



擷芳集卷之四十六目錄

才媛詩

古款訥菴汪啟淑選

馬福娥

七首

楊氏

六首

蘇小鸞

一首

陸氏

八首

江文煥

六首

趙

淑七首

曹錫珪

八首

曹錫淑

十三首

程

璋二首

張芝庭

一首

林雍宛

一首

陳


氏句

孔蘭英

六首

徐氏

三首



擷芳集卷之四十六

古歛訥菴汪啟淑選

馬福娥

號蘭齋浙江秀水縣人沈宏略之室也著有斷

釵集

橋李詩繫馬福娥名家女適禾人沈宏略所居之室扁曰蘭齋因以為號詩名斷釵集里人王庭俞汝言序之

喜雨

曉起日猶赤雲低雨驟來枯池重積水老石更生苔農務多時苦天心此日回綠窻無一事蕉影亦悠哉

春霽偶成

微日初開涼氣生，強扶病起怯徐行。
階前嫩草籠烟睡，簾外新花帶雨迎。
溪淡晴光浮碧綴，風搖葉色半窗橫。
爐香茗汁時時換，頻聽黃鸝樹底聲。

人日卧病

晴光轉處盡知春，多病依然此一身。
塵世久知家是客，年華又見日爲人。
愁看曲裏梅花落，驚對庭前彩勝新。
沉水香殘茶汁冷，薄寒無那透重茵。

春懷

日煖閒庭草色明，傷春綺閣伴茶鐺。
吹簫自作秦樓想，

咏絮羞傳謝女名。睡裏花香遲蝶夢，靜中窻紙聽蜂聲。
日歸惆悵歧予望，却羨翩翩燕羽輕。

雪珠

乍聽投簷響，俄驚遶砌團。明珠如有意，留作掌中看。

惜春

何處堪惆悵，紅殘雨後春。一雙衣袖濕，知是折花人。

漫興

風吹滿樹葉蕭蕭，睡起珠簾影動搖。
却怪深閨天易晚，藥爐烟重濕芭蕉。

句

分手莫言無限恨金環留贈後人看

嘉興縣志馬福娥字蘭齋沈宗良妻平湖司農紹會之妹生而敏慧能詩性至孝父封君嘉標卒哭之至墮孕遂得疾而歿一日前自知不永與宗良訣以指上金環貽之且吟一詩有句云云生平所著詩甚多別有刻

楊氏

江蘇江都縣人昭武將軍捷孫女適華亭靜巖

王公著有父書樓稿

蠟梅

黃梅初放蕊晴日映簾櫳正色何須白幽香不在紅種從真蠟至瓣與蜜脾同却笑黃山谷題名意未工

燈花

篝燈明几上點點映窗紗有穗能生焰無根亦放花雖然香寂寞也覺色芳華喜事明朝至先來報闔家

讀蘇武傳

當時蘇武得生還嚙雪忠貞信史傳歸作中朝典屬國夢驚胡地舊烽煙憐無妻子娛垂老只有旌旄記昔年自古功高原不賞封侯端合讓張騫

秋日登金山

扶筇浮玉興悠然一片秋光到眼前宛轉曲欄圍水面嵯峨高塔鎮山巔銀濤瀉海看今日鐵鎖沉江憶昔年

六代茫茫何處是風流且自話坡仙

夜坐

深夜蟾光白階前露氣清一天明似水林外動秋聲
鴻鴈南來急遙空散月光新寒多入夜漠漠桂含香

佛手

朱欒形似葉尖長金色分來散寶光千手雷同誰是佛
指頭拈得有真香

蘇小鸞

字里未詳詩見古愚朱觀詩選

閨怨

限谿西雞齊啼一至十
百千萬兩雙半丈尺字

關河四塞阻山谿萬丈絲難繫日西十二時光雙淚眼
百千愁緒五更雞八行一紙兩空寄七尺孤衾半不齊
九月才過三月暮六橋烟鎖杜鵑啼

陸氏

號秀林山人江蘇上海縣人副使陸振芬女太
史一士之繼室也著有梯仙閣餘課

青浦縣志陸鳳池字元宵自號秀林山人惠潮
兵備道陸振芬之女少授詩經四子書及長熟
離騷歸曹一士嘗私語曰余愛楚辭悲此生亦
當不得得意也詩詞皆有風致尤工於刺繡年三
十二病亟語一士曰箱中存博古圖衫一針一
線皆我心血他日以示兩女殘稿數十幅在西
房几上善藏之如見我也既卒一士
料檢詩作都為一卷名梯仙閣餘課

焦袁熹梯仙閣餘課序梯仙閣餘課者上海諤
 廷曹子繼室陸夫人之所作也夫人名家女夙
 稟慧性生二十七而適曹又六期而卒其夫子
 悼之甚乃掇拾其餘遺墨蹟于篋底若壁間手
 錄之得詩如干首詞如干首攜以視余曰吾妻
 之命可謂至薄今且化為異物不啻先生賜之
 世矣所僅存者此耳將付諸梓惟先生賜之片
 言俾觀者憐憫而嘆惜焉不亦可乎余應之曰
 此非夫人志也抑吾子之情所不能已者其又
 安可得已乎古婦人之作如柏舟綠衣諸篇遭
 遇至為不幸而能引古義以自喻不失溫柔敦
 厚之旨故其詞意愴惻千載之下讀之猶有餘
 痛今夫人但早天爾初無此等事也女功之暇
 偶弄筆硯不必多亦不必工宜其然矣然而性
 情德行之淑慎溫懿辭氣之間亦自有不容掩
 者夫人之賢如是雖天壽也若其不爾雖壽天
 也是刻也夫人其不死乎
 曹子于是破涕而笑也

咏大奴簪素菊

寒凝嶺上霜皚若山中雪
 淡淡舒幽芳亭亭抱高節
 比梅梅朱清比蘭蘭未潔
 歲寒堪結伴永與春風別

春日梯仙閣閒眺

風團花氣沿溪煖
 暗雨明霞紅不斷
 燕掠汀洲人語稀
 畫橋烟薄蘆芽短
 日景曛隴殿閣攢
 簫聲縹渺水雲寬
 遊船散去鳥飛絕
 向晚山光撲鬢寒

夜坐待歸

隱隱花間漏沉沉
 隔院聞梅梢新挂
 月松幹半封雲呵
 凍毫頻染拈香手
 自焚歸來茶正熟
 好為解微醺

寄外

忽見燈花落更闌人乍眠小牕風雨急吹夢到君邊

偶成

畫樓晴日捲蝦鬚風細常凝香滿爐一卷離騷再三讀
等閒放却繡工夫

丙戌冬日寄外

浦面輕帆泛木蘭寒風殘雪惜衣單客裘自着江邊雨
莫作臨行淚點看

白荷花和四弟韻

碧水池邊雅淡妝一般茵蔯色如霜錦江無數紅蕖艷
羞對亭亭玉色芳

秋夜

遙望青山接九峯誰將心事寄秋蛩無端幽思難成夢
忽聽疎林遠寺鐘

江文煥

安徽休寧縣人適無為州黃耕乎

清詩脩采補菴先生以詩招譴庚死京邸文煥
隨夫耕乎發遣灤州為旗下蘇翁蘇母所眷顧
格外相待耕乎善畫兼以醫名文煥開設文館
工詩畫復精小楷衣食頗饒創成家業路遙著
作不獲多覲僅錄
向所見者若干首

暮春禁中有感

蜀葵花發困人天未識春蠶第幾眠深祭閉門忘節令

離家對月已三圓
未滿春容
隔牆竹影滿階橫
深綠重重巧轉鶯
野外無由看種穀
空聞小鳥插禾聲

柳絮風輕尚嫩寒
偷生何故強加餐
自慚安命園扉裏
但覺雙銀約指寬

禁中不寐

響柝鳴鑼開夜長
同眠嬌女夢顛狂
虎頭門內歌聲切
慘入愁人淚兩行

憶故園牕外柳

幾番風雨正三眠
疎影離離自可憐
最是傷心牕外柳

還舒青眼度流年

臨池傍水曉烟輕
檻外柔條影更清
遙憶渭城新雨後
陽關曲度兩三聲

趙淑

字艷貞浙江錢塘縣人趙菊坡之妹也詩見鸞

嘯集

韓矩趙艷貞詩序略近有閨秀詩之選偶于武
陵得一稿乃吾友趙菊坡之妹名淑字艷貞詩
新警秀潤探蹟索隱思穎機靈雖錢劉高岑之
不踰矣何有於易安清照乎越近今而接國
初遙與沈宛君龐夫人輩同抗行讀之竟爽然
自失又慮豐于才者嗇于貌亦扶輿之缺陷也
偶往訪菊坡不見見艷貞喚小童買花籬門半
掩朱霞四射嫩柳新篁之間映帶玉人如畫丰

揚子集 卷四
姿綽約神色飛動應輾夷光而二之嬌麗知望
而短氣夫以十餘歲之弱女子其詩之精詣如
彼而貌之妍也又如此余因序其詩並序其容
以見德容工貌四者之備具誠窈窕之好逑也
周南之關雎必
有首爲之咏者

午睡

午夢鶯驚斷粘衣絮一牀泉流蛙徑活花落鳥巢香山
影搖春色茶聲沸夕陽綠陰絲柳外新月已沉光

春日遣興

曉夢初回嫩日含年來心性未除慙愛書小字抽金管
爲按新歌斷玉簪亂噪松枝占鵲喜細馱花蕊笑蜂貪
空闌靜掩梨雲瘦桑綠隣家已育蠶

遊上清觀

烟靄江天夕照醺洞門深處少塵氛空青瀉出巖間乳
積翠飛來掌上雲花徑泥融新燕嘴苔根蘚蝕舊碑文
道人擁褐燒丹竈自掃階前柏子焚

題山水便面

青山淡似眉綠水濃于酒落日荷鋤人獨步溪橋口

行飯

飯後繞廊行風蘇襟亦快看山入苦吟蛛網牽衣帶

鶴

綠陰深院小庭中獨立苔階啄碎紅忽馭風尋元圃去

一聲長喚海天空

花下小飲

夕陽深院酌流霞碧樹雲晴噪晚鴉一曲清歌鶯暗轉

微風吹落紫藤花

曹錫珪

字采繁初名椿齡江蘇上海縣人工科給事中

曹濟寰之長女也適知常山縣葉承著有拂珠

樓偶鈔

古檀詩話開闢詩亦有淵源我松曹黃門一士
張行人梁均善詩曹公女采繁錫珪秋夜云破
夢砧聲敲落月喚愁蛩語咽殘更張公女職思
佛繡落葉云詩思飄零三徑月客情撩亂半窗

風洵乃克承家學也

閨秀雪暉董氏拂珠樓偶鈔序略三泖如鏡九
峯絢綠崑陰谷水之區多修竹怪石芳塘曲澗
幽鳥奇花構數椽聚古今女史名媛詩刻及香

閣錦箋畫片環植嘉卉護以疎籬思得一閨中
良友晨夕共之則拂珠樓主人是主人天才濟

發洗六朝之迷抉三唐之奧思入風雲言皆珠
玉有目共賞茲不具論論其主饋南陽奉先郵

族一賢人也隨宦常山決機贊務一才人也賜
玦適歸囊垂橐空而恢張舊業一智人也讀書

偶暇描鸞刺鳳窮極工巧一慧人也隨吾弟歷
江浙山阿水涓代多名勝而弔古拈毫徘徊弗

去則又一韻人也香閨淑質得其片紙隻字噴
噴歎為詩人噫詩人特其一耳雪暉愚且拙時

叩主人瓊瑤之贈如集中代書三十韻見寄是
也兩人莫逆申浦間之隔一二歲主人時以扁

舟見招歸石筍里相與坐玉壺室步心如堂爰
佳茗評名花拈小詞論卷帙中逸事獲益於主

人良多已如置身峯泖間而峯泖間選勝移居

之志究未得遂云今以是集置之
案頭焚香展閱我師乎我師乎

懷二妹

幽蘭發華渚春草沒池塘感遇傷離別憂思迫中腸念
爾久相憶愁我滯他鄉分飛忽易歲人事苦難量風波
山水隔貧困道路長何時共明月終夜獨徬徨迴看梁
上燕和鳴共頡頏

代書三十韻寄二姑

憶昨逢君日龍潭春色遲芝蘭沾臭味文采接丰儀玉
樹叨三葉鴛行沐雨姨江臯欣邂逅驛路載驅馳折柳
繁離思拈花訂後期山川違白苧雲樹隔江離明月孤

征棹斜陽獨立碑六橋懷白傅七里弔嚴祠岸草葳蕤
秀林花爛漫奇鄉音殊閩粵風俗自衝疲官舍清風嶺
人家淥水湄山禽依戶牖野鼠走階墀饋饍炊紅粟和
羹採綠葵思鄉愁鬱結感別淚漣沔節序更相促星霜
漸轉移素琴聽雅治冰鑑看衡持玉性經燒潔人情履
道危蘭芳遭霰歇花秀遇風萎水暗波翻復山藏路嶮
巖風塵多蹭蹬消息幾參差心緒憑誰訴衷懷祇自知
淒涼千里客寂寞四愁詩坎壈歸心切貧窮旅跡羈頓
看時改易幾見月盈虧顧我慚無報蒙君屢惠詩情牽
雲曖曖夢繞雨絲絲穉子嬌痴長慈姑動履怡加餐禱

自愛珍重莫予悲孤館三更後荒城二月時封書無限
意因使寄相思

西園卽事應姑命

步履繞芳叢南陔霽色融命題香徑裏問字玉壺中
嫩草連波綠新花映日紅不堪呈拙句幸沐謝家風

秋望

一天雲雨望中收山翠陰沉遠黛愁江岸荻寒鴻過浦
畫簷泥落燕辭樓清砧搗破千林月蟋蟀吟殘萬戶秋
獨坐幽牕詩思靜桂庭香繞暮煙浮

咏愁

曲闌干外小樓頭芳艸青青逝水流明月黃昏人乍別
落花簾幙雨初收張衡詩就金刀暗潘岳吟成玉鏡秋
最是好風吹不到五侯亭館野人舟

寄外

別思縈千縷驚魂怯二年歸期常恐錯不敢卜金錢
念極偏多慮書來懶遠開平安數行字一字一徘徊

病起懷弟芸趙表妹

花外流鶯轉柳枝一春消瘦懶吟詩病餘不忍登樓望
芳草萋萋異別時

寒食

禁烟時節正東風蝶舞鶯啼戀落紅一寸迴腸十年事
都來夜半雨聲中

曹錫淑

初名延齡字采苻江蘇上海縣人給諫曹一士
之次女適同邑孝廉陸秉笏著有晚晴樓詩稿

陸秉笏曹宜人行略繼婦姓曹氏名錫淑字采苻工科給事中濟寰公諱一士次女三歲失恃祖母趙太宜人撫育之八歲入家塾讀四子書毛詩孝經列女傳輒通曉大義給諫公奇之示以漢魏唐宋詩學源流即能心解下筆如夙構婦之作詩自此始年十四伯母宋孺人教以女紅習家政厥後綜理一切措置咸宜著作甚夥侍講顧小厓先生見其詩詫為異才給諫公寄示次女七首中有誰言生女不如兒句又有休向謝庭貪啄絮滯人福命是才名二語初婦之

佐余也正值飢荒我父入都纔三月遽罹先母張孺人之變百務倥傯為余經紀喪事幸無曠禮迨後我父息遊旋里婦侍奉維謹余子職有缺賴婦以匡已未歲榜後婦商于余曰君自弱冠遊庠躋南闈者十餘載今勉赴京兆試何如辛酉仲春同婦從弟鴻書上長安婦為余治裝泝泝縫紉即寸絲尺布必開粘篋中以備檢點京闈揭曉我郡獲雋者三人余與鴻書同出房考編修劉介亭夫子門婦喜賦長句緘寄至京中表前輩董比部五峯先生向余亟贊之王戊春將應禮部試作截句寄勗云遊子天涯侍奉難書來幾度勸加餐成名無忝趨庭訓勝似親承甘旨歡又云努力功名少壯時東風早寄上林枝丸熊應憶當年事卜得佳城慰所思見者謂其愛親之念流溢楮墨榜發余遭點額隨季父已酉孝廉宏山公策蹇南下前外舅遣倂札余曰昨夢我亡女攜一嬰兒作出門狀訊以何往云送兒至婿家是年果舉兒子錫熊已未冬前外舅捐館舍尚平事未畢婦為擘畫務期得大體前外母吳孺人每嘉納之熊兒晨入

館稽察甚嚴常密令乳媪從門外偵其心之專
 否晚則責閱通鑑親授以古今各體詩間擲管
 楚不一聰慧語喜形于色否則痛切訓誡甚則
 亦送之就傅燈前月下教以誦詩彌留時猶喃
 喃不絕口以讀書成名為囑婦愛才甚有表妹
 趙弗芸酬唱無虛日年十九卒詩以哭之山陰
 女史朱舜絃僑居邑之北城婦耳熟其名投贈
 往來者屢焉比舜絃甫嫁而卒具冥資繕挽章
 以奠自後語及兩閨秀有不能釋其悲憶者同
 母姊采蘩幼撫于從叔中翰公淞濱先生家適
 葉進士名承亦工詩從叔母劉孺人常招婦至
 五畝園分題鬪韻流連匝月自姊氏同外宦
 遊婦多寄懷之作今載入晚晴樓詩稿中
 閨秀著詩也太史為兒子與吾同年友以翰墨
 為助績者數十年六籍百家獨闡精奧世稱名
 儒宜乎親承庭訓者若左嬌徐惠蔚然為閨中
 之秀也顧所作不輕示人謬以余為知詩郵寄
 都門欲一言弁其端余聞王化始於閨門故孔

子刪詩先列二南關雎為宮人所咏至葛覃卷
 耳則后妃親製焉乃後世每以才思非閨閣之
 事其亦未聞聖人之教歟抑東萊氏所謂不以
 理視經而以經視經者歟余讀茲集見其味腴
 有次第則與古藻則妙造自然也絺句繪章爛然
 仙則遇之自天冷然善也至其或念父母或懷
 姊姊孝悌之性溢於行間羽翰乎教化之聲獻
 酬乎仁義之醇所以感發其中正和平者又呂
 氏所謂胸有全經者歟余幼承家訓縫紉之暇
 時流覽墳籍見古來女史所載不乏取青媿白
 之流而獨有取於扶風大家以彼其才足以法
 轍今古而漢氏秉筆之臣於文藝之外更以法
 度稱之人倫之至感動人主迄今讀其詞嚴正
 之氣令人肅然起敬茲集其有遺風歟風之正
 也夫太史其採于家俾天下驛其聲而吟之可矣
 之意即推名媛不敢與諸曹齒
 唐堂黃之雋題晚晴樓稿詩吾友吟壇舊往來
 久聞嬌女在瑤臺魏家父子多風雅却少閨中

繡虎才半涇佳話昔流傳會攬名閨桂杏篇今日重看題目在回思老鳳一潛然寄興花光與月華性情流露德柔嘉賤毫不數班彪女才媛豐生是一家給事當年遲鳳雛早教瑤閣產雙珠父書能讀先諸弟粉黛填麈世所無梯仙慈課渺音容玉潤仍歸陸士龍幼婦色絲誇不盡兩家文燄射重重掃眉才藻擅春江佳儷遙知玉一雙著得國風詩首卷墨花次出綠紗窻細林傳示此琳瑯四百餘篇一一搜却傲玉臺新咏叙昔賢未睹晚晴樓平昔塗雅每叙詩耄年無復騁妍辭蓄菽浣露題新句無愧真同有道碑

秋夜懷大人書寄常邑大姊

草木搖落秋光老涼飈浙瀝來山阿初聞蟲韻咽東壁復聽鴈聲度西河感時傷別起太息盤桓天地寧無極百結何能繫轉蓬明月皎皎助寒色况自思親耿耿懷

閒情幽夢渾難測思及親應白髮增玉堂恩重留神京瀟灑詞文滿都下興來可有故園情仰望白雲千萬里擬是離愁同爾爾仙令城頭青鳥馳書應報我天涯鯉一夜西風思不眠萬戶寒砧搗秋水

秋夜無寐口占

夜靜獨無寐秋空月倍明梧桐今夜落蟋蟀去年聲幽院少人過空堂鬪韻清搗衣當此際抽思復含情

送大姊之常山

極目烟霞遶夢遲一樽別酒話離思琴堂應可彈明月絮院何堪折柳枝莫吝鴈書傳美政且從燕語寄新詞

知君此去風光好勝似河陽花放時

初晴

一派嵐光映綺牕小園雨霽擬尋芳陰成濃葉春將暮
風惹遊絲日正長蝶粉乍粘飛絮暖燕泥將帶落花香
烟霞滿眼吟情暢伸紙濡毫樂未央

惆悵

惆悵不因連夜雨相思經得幾秋霜河陽花信連愁發
洛浦明珠帶病妝樓上燈青聞鼓角嶺頭月白度笙簧
月輪偏照神千里燈影還籠詩半章潘岳鏡中頭易白
江淹筆底悵何長春歸堤柳黃鶯老秋到籬花粉蝶忙

卽景可憐情縷縷沾襟惟有淚浪浪長門流落一篇賦

幽谷沉埋九畹香但得朱絲能繫日何須三萬六千場

宮怨

墀冷綠苔深花開春復春長門憔悴質羞見鏡中人

哭趙第芸 有序

趙表妹名婉揚字第芸穎慧異常性純孝日以
女紅佐菽水表叔母憐而止之終不輟居恒喜
置書雖典衣不惜好作詩落筆雋妙有古風儀
質端重言笑不苟相對竟日淡然而已嘗語余
夢一異人授句云瓊肌玉骨掌書仙謫下人間
十六年語竟淚下曰斯兆予非永年者不幸具
此慧性終為造物所忌第念父母無兄弟承歡
奈何余為寬慰久之至前歲余私慶曰表妹初
度後兆期過矣不意越三載遽遭斯變嗟哉一
旦天奪我知音痛也何如余從幼時相契者影

蓮朱表姊才情兼擅而天折會詩以哭之逮今猶戀戀于懷再識表妹自謂有緣不意其亦早訣余何不幸耶憶表妹幼時才名已藉藉于邑余由家姊相知家姊撫從叔父家叔母即表妹之姨母也因是往來契舍每倡酬敏捷過人云何日花前其詩輒奇之余時私慕不已投以詩叔母乃設一文會召余及表妹曰使汝輩握手談文也時戊申仲春之月桃李爭芳芝蘭奪秀名園攜袖片時遂訂同心即席分題瞬息譜成佳話拳拳乎燈窗之雅愛相叙經旬依依乎臺榭之風光分離隔歲然而彩鸞雲墮不時惠我佳音素鯉波浮旋復申君舊好回思昨事相違祝壽之堂忽駭今秋獨向修文之闕嗟乎鳳凰樓上不待吹簫鶯燕庭前徒傷倚戶惟餘郢曲文藻彌深本屬仙踪塵緣宜淺余也遙悲鴈影隱憶琴心彩毫慘淡而無華雲歛三更之月香霧微茫而忽散風哀干杵之音夢中焉繫浮生香魂縹渺身外獨留清句玉律娉婷若夫家姊隨宦天涯消息恐驚旅况余且凝思鶴馭低徊

何以忘情重展瑤編摘辭吮淚聊書簡未和墨添悲云爾

詩酒交情擬歲寒終宵筆硯一燈看追思無限臨岐語
聲咽西風淚欲乾

楊柳依依桃杏芳惠然顧我入書堂而今獨向經行處
星落秋風見鴈行

流水高山記昔年不堪重結聽琴緣與君同榻西樓月
今夜冰輪依舊圓

去歲同君把壽卮匆匆那及話愁思風流雲散成虛語
舊夢難尋春艸池

本是瑤臺舊掌書玉樓消息費躊躇珮環聲絕紅塵夢

一片浮雲度碧虛

帝子湘君邈所思
闌干紅冷月明時
巫咸不降秋宵寂
空賦招魂泣楚辭

新鶯

出谷鶯雛巧轉新
和風嚶嚶向芳晨
可憐不遇知音聽
綠盡垂楊又暮春

程璋

字弱文安徽歙縣人也適同邑方元白年二十

一而卒

寄外

楊柳葉青青上有相思紋
與君隔千里因風猶見君

柳葉青復黃君子重顏色
一朝風露寒棄捐安可測

羅坤程弱文傳弱文程氏名璋歙人程某之女也其母夢吞花葉而生幼極穎慧九歲即好翰墨工詩文日摹曹娥麻姑諸帖書法尤稱精楷性復喜植花更愛花葉能于如錢蓮葉熨製為箋書心經一卷及笄適里人方元白伉儷甚歡元白借友人吳某作客廣陵弱文憂形顏色不能自已嘗作詩文緘寄元白元白開緘輒閉戶欷歔悵惋累日一日平頭復持緘至友人伺其出私啟視之乃製新柳葉二片翠碧如生各書絕句一首又有染說一篇原愁一則寄元白文情綿惻媚楚動人年二十一而卒著有文集數卷歙人有傳之者元白傷悼過情終不復娶亦不復作客遂入天台山中為名僧焉

柳亭詩話新安有方元白其妻程氏名璋字弱文方久客不歸程以楊柳葉題二絕句寄之云云宛

是齊梁聲口又做退之原道作
原愁及染說諸篇惜無傳之者

張芝庭

字春山子江蘇吳縣人

茅應奎絮吳羹孫青峙云張芝庭性慧學博評
論如老手有梧桐一葉落賦石榴賦紅顏薄命
賦皆典雅工麗與詩俱十五六歲時作
表弟沈西塘客淮浦時錄示惜不多見

春日懷芳林姊塘棲

三月桃花水正肥每逢春去倍依依
光風楊柳鶯兒轉細雨棠梨燕子飛
煮筍人家供午膳焙茶天氣拆綿衣
憐君却隔兼程遠不逐西烏背日歸

林雍宛

字月嶼福建人

祝姚母

紡績親甘旨和能佐讀書孝慈誰媲美
奕世大門閭

陳氏

江蘇常熟縣人也

句

一春羞見雙飛燕五漏愁聽三唱雞

柳南隨筆陳典字玉先邑人也善畫牡丹一時推
重生一女頗能詩嘗作閨怨一首以溪西雞齊啼
為韻而以一三三四五六七八九十百千萬丈尺
兩雙半十八字運入八句中其第二聯云云好事
者至今傳之

孔蘭英

浙江桐鄉縣人工詩善畫適同邑汪聖清早卒
著有愛日軒草未梓

喜親病愈

孤寒天不佑天究佑孤寒母睡今朝穩兒心此夕寬祇
愁衰邁近未覺夢魂安日給休教慮羅襦繡早完

題漢宮春曉扇

銀箭收殘漏深宮鬪麗妝御香浮太液紅日艷朝陽歌
入鶯聲細春隨柳綫長長門殊未曉猶自夢君王

汪聖清和詩不寫長門怨羞吟團扇篇綺羅寧入
夢玉貌若為憐舞轉瓊樓影花迎御座烟篋中留

片月終道
忍相捐

秋懷

紛紛木葉舞迴廊自酌香醪破悶嘗遠道短書勞悵望
比鄰長笛助悲涼閒愁易亂如衰草女伴難留似夕陽
獨有寒蟾非世態照人沉醉坐蘭房

病後試筆

藥鑪茶竈小樓東一月清閒罷女紅常為貪眠憎百舌
每因多病怕春風才非咏絮人終俗詩不言愁句未工
短什還教鄰女解知音只合在閨中

題燕姬出獵圖扇

霜氣冷征衣秋原雉兔肥燕姬當十五挾彈勢如飛

汪聖清和詩自是閨中傑含毫意氣雄心慚圖倦
繡人擬賦驚鴻皓腕舒燕角纖腰縱玉驄更看詩
筆健豈料
絲雲空

病中

簾間雨過羅衾冷枕畔風來藥鼎香為惜殿春花正放
教移小榻到前廊

徐氏

江蘇崑山縣人司寇公孫女適山東馮別駕愿
著有霜黛軒詩稿

次韻十六夜望月

百頃風潭上銀濤夜半看此時人寂寂猶自影團團露
重蛩吟楚風清鶴唳寒竹窗孤寂影瀟灑上闌干

和外春郊

澹蕩和風拂曙烟柳顰花笑自嫣然清溪漾漾拖銀練
綠野漫漫染碧天遍植桑麻崎徑僻高歌樵牧遠村連
鶯聲不住啼殘照催得春歸又一年

園中亭臺頹敗不勝今昔之感

繡幙華堂何處尋惟存荒圃栢森森可憐世事同流水
今日空彈淚一襟

摘芳集卷之四十六終

摘芳集卷之四十七目錄

才媛詩

古歙詔菴汪啟淑選

胡慎儀 四首

胡慎容 七首

呂熙 四首

陳坤維 一首

徐灃仙 二首

熊湄 一首

范淑鍾 五首

歸湘 二首

凌結綠 二首

陳蕊珠 二首

李倩荏 六首

吳淑 四首

許孟昭 二首

許楚畹 四首

方敷 六首

鄭鏡蓉 六首

鄭雲蔭 三首

鄭青蘋 二首

鄭金鑿 二首

葉氏 二首

易慕昭 三首

張淑 二首

華明慈 一首

富夢琴 七首

王 氏 句

擷芳集卷之四十七

古歛訥菴汪啟淑選

胡慎儀

字采齊號石蘭直隸大興縣人胡玉亭女兄也
生有夙慧及隨祖父宦遊嶺南江表識解益進
後適諸暨駱生烜著有石蘭詩鈔

王槐植紅鶴山莊詩鈔跋卧雲姊采齊駱夫人
亦善詩其附于集中數首又見選于菊莊不薄
今人本中者數首有賦得惜花春起早云一番
花信五更風那管春宵夢未終起傍芳叢頻檢
點夜來曾否損深紅愛月夜眠遲云云掬水月
在手云長空皎皎夜光寒倒浸清波影未殘偶
近金盆濯素手姮娥驚向掌中看弄花香滿衣
云小苑紅深綠未肥獨攀嬌蕊弄芳菲雙雙粉

拍穿花蝶何事隨人上下飛諸詩與卧雲
實難兄難弟惜其頗少未能爲之合刻云

客途新柳

金縷毵毵舞態新額黃初試正宜人參差灞岸含朝露
掩映章臺報早春青眼慵舒還是夢修眉未展畫難真
風流綽約誰能似張緒當年最得神

侍蔣太夫人滕王閣小宴

章城何幸遇仙儔會向江樓紀勝遊一片夕陽紅蓼岸
數聲漁笛白蘋秋西山雨過烟光碧南浦風翻雪浪浮
自愧暫依喬蔭下敢同蘭桂占先籌

懷菊莊卽用見寄韻

春滿章城日正遲片帆何事促分離客中每羨江淹筆
篷底猶吟杜甫詩別後風光空過眼年來愁思倍攢眉
何當遠遍凌雲句海國欣沾翰墨滋

賦得愛月夜眠遲

銀蟾朗徹有餘光靜坐庭軒寄興長地僻不知更漏永
瞥驚花影過東牆

胡慎容

字玉亭號卧雲又號紅餘采齊之妹簡靜嫻雅
精工篆隸絲繡剪綵黏貼花卉臨摹法帖莫不
臻妙適會稽馮生烜著有紅鶴山莊詩鈔

蔣士銓紅鶴山莊詩鈔序略夫人姓胡名慎容
 字玉亭本山陰產以遷直隸遂為大興人早孤
 負宿慧方六七歲未識字即能信口為韻語稍
 長伯父富言先生授以書一過即成誦歲餘乃
 自購經傳及韓歐會蘇文讀之不倦既而復取
 唐宋人詩涵咏之于時祖官于粵遂以夫人締
 姻馮氏舅亦山陰人仕粵者也夫人從兩家宦
 遊四方歷覽名山大川俯仰憑弔所作動盈東
 第不自珍惜多隨手散佚其在嶺南時才名藉
 甚風雨一燈擁殘書數十卷寢食其間刻苦如
 書生視人世華靡一切無所欣戚及對江山清
 遠處又依依若有所繫戀嗟乎男子力學數十
 年口談道義胸次齷齪者紛紛矣夫以閨房
 之秀顧能高淡若是夫人簡重寡言笑雖生長
 閨閣布裙椎髻不肯為艷裝其門內知已惟姊
 氏二人伯采齊仲景素皆才媛也景素遠適又
 早寡惟伯姊贅駱氏同侍母夫人故借處不少
 離花朝月夕友愛之情如鵲鳩對語于碧梧翠
 竹間東坡云四海一子由夫人姊妹庶幾似之
 歲丙子將隨母姊赴伯父元城官署僑寓江右

望廬山

因以母事我太夫人故余從太夫人得其品概
 學問為最深采齊詩如光風蘭蕙舒展自如兼
 工為詩餘姿致楚楚在金荃蘭畹間景素詩惜
 未見也昔劉孝綽三妹皆有文名今夫人與二
 姊清裁輝映足追芳躅他日列國朝詩中信
 為一列女之冠惜羈旅江城閉門蕭城無名媛
 往復僅偕君子撫諸雛依依慈母之側且身又
 善病藥爐茗碗屢空晏如值我母北行離別之
 感益難已已經日出涕沱
 若戚嗟若其品概可知矣

秋兩憶別

奇勢環吳楚崔嵬迥不羣峯從天上現泉借日邊曛翠
 色濃堪摘嵐光秀可分紫烟縹渺處只許卧層雲
 雲暗重門掩烟深鎖畫樓故人千里夢涼雨一天秋別

淚灘頭水離魂江渚流悶來誰共語獨自下簾鉤

題望江樓

江上危樓翠靄間當簾白鳥影翩翩雲堆東嶺千峰現
月掛西牕一鏡懸蘆葉捲風聲似雨浪花翻雪色如烟
遊人莫倚闌干望無限山川意渺然

春殘

堂堂春已背人歸檢點餘光付品題曲徑愁鋪芳草路
小橋橫斷落花溪無情夜月能相照有恨流鶯莫亂啼
贏得詩人多少意碧桃空老雨淒淒

畫蘆雁

沙石明霜月秋風起雁羣含蘆照湘水一字映歸雲

秋夜

白露澄清夜遙空月似盤庭階流素影玉戶不知寒

蘆雁

橫江片影一聲秋楚岸湘波事事愁同是水雲鄉裏客
歸心空悵荻花洲

呂熙

字壽姜三韓人詩見水香園集

題水香園

雪月分光照碧漣一園春色冷爭妍扁舟棹入黃山路

水底香生別有天
綠油春漲繞亭臺
十二朱闌裏嫩苔
寄語遊人須載酒
東風吹送好詩來

夕霧朝嵐滿水牕
已隣陶令近軒皇
松枝恰取煎龍井
不獨茶香水亦香

樹色連雲接翠微
阮溪迢遞繞荆扉
六朝裙屐人多少
戀着琴尊不忍歸

陳坤維

浙江人所適未詳詩見樊榭山房續集

丁巳又九月九日厨下乏米手檢元人百家詩付

賣以供餽粥之費手不忍釋因賦一律媵之

典及琴書事可知又從案上檢元詩先人手澤飄零盡
世族生涯落魄悲此去雞林求易得他年鄴架借應癡
亦知別無由見珍重寒閨伴我時

樊榭厲鶚和詩姓字深閨豈易知偶傳紙尾賣書
詩難追寫韻仙家事應共牽蘿絕代悲彤管更添
高士傳墨卿別注有情癡迴腸
似共縑細往惆悵令人展卷時

初觀許大綸和詩典及琴書事可知妻其忽見賣
書詩班姬合抱縹緗癖清照還深散佚悲善本代
吹良足惜妍詞作媵未嫌癡誰何
攜去資漁獵腸斷春纖檢付時

穆門周京和詩人世艱辛百不知賣書忽覩女郎
詩漫將斷楮留多怨拋却遺編自可悲乞米何妨
生事拙典釵那復有情癡豪家
姊妹休相妬見抱青箱掩淚時

徐澧仙

字里未詳其詩係親家洪篠洲所寄者

寄孝女孫曉霞

綠牕前後鶉鳩聲小夢難忘說與鶯何處是家空拜月
幾時無淚莫長生豈知藥草翻添病已送梨花不願晴
憔悴只宜隨孝女杜鵑相對哭雙卿

生小玲瓏福未圓枉拋心力教嬋娟花神舊感東皇贈
貶詔新頒燕子宣布穀採桑愁證候夕陽春雨病因緣
江南薄命知多少第一佳人第二泉

熊湄

字碧滄江蘇長洲縣人適許爛石

寄遠

幾回聞雁憶燕然天末遙將錦字傳萬里飄流羈遠客
十年迢遞阻迴船浮雲目斷蒼山外落月魂消洱海邊
何日刀環遂初約免教暗卜擲金錢

范淑鍾

字秀林安徽休寧縣人

隨夫子至茗塘

盛世樂邱園幽居避市喧碧蘿蒼蘚宅紅樹白雲村入
手枯藤杖傳家老瓦盆兒孫圍膝下楫柁地爐溫

夫子有作率爾奉答

蒜押犀簾貼繡櫺金荷光閃夜冥冥花龕同拜醜
紫錦幄雙棲翡翠青裁綺蹙成蠶母像搓酥製就鴈娘形

鴈娘膏神也

月中更把清泉汲引得銀蟾入夜餅

乘龍佳婿卽吾師香璧檀心手自持繡罷花前教舊什
吟成蕉上寫新詩箏閒金鴈慵移柱枰冷文犀罷賭棋
只欲冥搜佳句得粉脂叢裏占芳蕤

琅玕妝閣碧於苔搗盡元霜夙願諧割肉縱無方朔炙
如泥還免太常齋棊裁素紙閒描局步穩青雲遠寄鞋
見說詩腸須酒飫雲鬢親拔九鸞釵

送夫子之鳩江

征鞍落葉打離披忍淚臨風餞一卮夕照漸低人漸遠
斷鴻聲裡立多時

歸湘

字溶溶江蘇常熟縣人

春日郊居

竹翠沙平迥絕塵澄江苕暖鴨知春門前車馬應嫌僻
鏡裡鶯花不笑貧幾陣疎風開柳絮一番瘦雨淨苔茵
年來種得桃千樹偷做仙源學避秦

碧紗搖綠印芭蕉花底烹泉捲素濤昨夜雨深催芍藥

連朝日麗熟櫻桃柳絲拂路綠陰亂麥隴翻雲翠浪高
一曲洞簫良夜靜清風朗月任逍遙

柳南隨筆歸湘字溶溶吾邑閨秀也有春日邨居
四首頗傳誦一時今錄其半

凌結綠

字崑生安徽歙縣人封刑部主事凌璿玉之女

適同邑文學方成垣

樹密齋詩話余堂嫂凌氏生于貴宦及歸覲薇
大兄食貧作苦未嘗一日有愁歎之色事上極
孝敬接下以慈持家以儉宗族稱之以爲
有桓少君之風零璣碎璧至今讀之惻然

題照

無德無才愧此身感君爲寫鏡中人雙兒已死教誰祀

空展音容累老親

贈外

且莫愁多歎索居古今窮達竟何如梅花瘦徹猶冰雪
牕外亭亭伴讀書

陳蕊珠

字逸仙江蘇丹徒縣人適同邑步江鮑臯著有
集惜未之見

新秋

幽蘚迷階壁輕陰覆井桐薄涼來枕簟細雨入簾櫳殘
暑辭紈素新秋添雉紅懸知書館客剪燭聽秋蟲

登木末樓晚眺

柳青橋畔柳烟輕
人士嬉春照水行
幾樹斜陽搖絕壁
半天歸鳥落孤城
南山勢接江濤濶
北固雄臨海氣平
六代銷沉俱似夢
白雲深鎖古今情

李倩菴

浙江錢塘縣人柳漁張業師之甥女也適陳珩

石著有西湖百咏

柳漁夫子李倩菴傳畧女甥倩菴姓李氏妻於陳倩菴其字也生而敏妙方五六歲即能背誦詩書性最豪邁無咍噉兒女態及笄後嬰寒疾日益癯弱若弗勝衣然忘懷得失器度豁如喜怒不形於色家居城北屋四圍多隙地因闢爲小室廣植竹梅明潔可愛畧無纖塵池中蓄繡

蓮數本紅瓣而黃緣結實味甘如飴余嘗過其家會暑雨初晴好風徐扇臨流點筆課以短吟有云碧波清瑩葉田田珮冷衣香韻可憐若使臨風能解語應羞脂粉沆金仙其嫺雅之致可想見也迨歸陳子珩石珩石爲名諸生襟期曠達絕異世儒得倩菴倚如良友閨闈酬倡共喜爲黃老之談親長咸盡禮敬得其歡心人有急難卽臧獲等亦擗踊號呼哭聲達於里外其德之感人有若此者事父母至孝歲常歸寧宛轉鄰下別去則問日一遣人省視雖遇事倥偬不少忘去冬吾妹倩李君綸如客遊廣陵倩菴思之甚夜見於夢作悵悵詞一首情韻幽切由其純篤出於性成也往余巡視臺灣倩菴寓余書論古今成敗洞中窾要儼如古名人策略非所稱女有士行者邪昨歲倩菴送吾父木主入廟來余家相聚數日吾母沈太夫人見其形神清減亦深憂之臨分執手依依期今春再至詎謂遽及闔門片言竟成永訣悲哉

沈房仲題女史李倩菴西湖百咏兼慰陳玕石
詩鐵笛騷壇選竹枝風流腸斷已多時金牛勝
境邀清賞重唱香闈絕妙詞綺牕依舊一燈青
妝閣淒涼淚欲零知否月圓風靜夜芳魂仍歷
十三亭

曲院風荷亭

檻外湖流夏月涼風來虛室簾生香等閒莫把花吹動
防有鴛鴦葉底藏

九里松亭

蒼翠千株夾道清雲垂似蓋半陰晴植松人去寒鴉怨
都向西風作雨聲

龍井延恩衍慶院

山遮古殿野梅香石井飛濤繞曲梁二老風流今已逝
空林何處覓閒堂

報國講寺

蕭條石徑古闌斜白塔平蕪暝落霞春樹不知興廢事
年年猶發壞宮花

千人洞

避世曾來築小廬如今碧礮草芊芊雲迷洞口疑無路
那識山中別有天

青林巖

理公巖榻冷秋霜礮外青峰到處黃却怪林前春不去

萬株寒木獨蒼蒼

吳淑

自號伴梅女子安徽休寧縣人汪碧園之室也
詩附見於森玉堂詩草後

暮秋夜話

夜深燈火淡香篝宋玉多情又感秋
落落長貧那易老
珊珊瘦骨不勝愁烟消寶鴨寒侵鬢
月轉高梧影上樓
閒話西牕霜氣肅相憐惟有敝貂裘

思母

強拈銀管寫雲箋病裏思親倍可憐
欲寄斷腸書一紙

無情北雁滯南天

竹夫人和韻

寂寞湘妃出水濱裁成尤物件君身
未知夢破秋風後
還憶新人是舊人

酬夫子見懷韻

涼生羅袖入新秋燈下微吟火欲流
牕外無端風雨過
懷人江上起離愁

許孟昭

字景班江蘇元和縣人武平令許廷鏢之長女
適明經沈之源

寒夜曲

金剪生寒夜漏長
玉人纖手嬾縫裳
素娥偏耐秋光冷
來照鴛鴦瓦上霜

越女詞

一曲菱歌韻碧瀾
耶溪歸櫂日將殘
情多自易含惆悵
不爲秋深玉露寒

許楚畹

字蘭滋江蘇元和縣人武平令許廷鑠之女孫
適明經沈開楸著有鏤雪吟草

對雪

柳絮因風句長誇
道韞才謝庭人不見積雪冷蒼苔

寒夜曲

沉沉夜永漏聲添
倚戶蕭條對彩蟾
青女不知幽院冷
還吹霜氣入重檐

閏七夕

卷轂停梭事未遙
鍼樓重上望青霄
誰言天上佳期少
已見雙星兩渡橋

望遠曲

征人十載戍龍堆
笛裏關山曲更哀
夢斷沙場路難識
相思空上望夫臺

方敷

字澗濱安徽桐城縣人四川孝廉高繼允之母也

挽陳懷玉

鶻聲哀怨痛如何一種才華謝綺羅粉膩蓉牋詩博士
香熏繡佛女維摩瓊花夜夜空明月霜鬢年年感逝波
今日高樓數行淚隔江愁絕暮雲多

五日以也將白水蘸菖蒲書為起句寄龍素文

有序

菖蒲維荒落節屈天中半戶榴風一簾梅雨無錢
沽酒任他長晝閒間有艾軀愁肯使佳晨寂寂
偶閱現成之句也將白水蘸菖蒲竊移見獵之
情爰用綵毫揮楮葉因成七字賦得五篇請政

雙清以供一粢自知呈醜得無布
鼓之譏倘不余嫌乞賜松陵之和

也將白水蘸菖蒲肯使佳晨與暫孤一樣艾絲懸破屋
不教酒肉污荒厨一瓢顏子知遙慰獨醒靈均喜有徒
醉竹半牕書數卷細焚蒼术聽啼鴣

甌有塵封盤少蔬也將白水蘸菖蒲友遺角黍堪充腹
自寫新詩可當符槐樹綠浮閒繡榻榴花紅映破羅襦
侏儒今日休相笑幽趣由來讓餓夫

人逢時節儘歡娛陋巷蕭條賴有吾雖乏紫茸酬益智
也將白水蘸菖蒲池多芳草蛙聲集簾捲濃陰燕子雛
深閉柴扉消永晝獨揮琴韻振花鬚

隔岸龍舟鼓競枹一天嫩暑上簾珠黃迷倦蝶萱英脆
綠帶殘鶯柳線麤不有青錢沽竹葉也將白水蘸菖蒲
蘭湯浴罷神情爽玉柄輕搖任嘯呼
薰風掩映芰荷疎梅雨陰晴布穀呼何處齊紈吟戍削
誰家楚葛醉醞醐捕蟾興覺多闌散鬪草人今半有無
自笑未能全免俗也將白水蘸菖蒲

鄭鏡蓉

字玉臺福建晉安縣人鄭方坤之長女也適閩
縣陳道敷著有垂露齋聯吟

秋雨用蘇岐亭韻

更漏響沉沉銅壺滴金汁遣興與裁詩含毫紙欲濕似
云石燕飛哀祈幸一得潭底起乖龍如奉律令急蛙鼓
亦齊鳴啞喋亂鴉鴨陣陣勢傾盆縷縷烟垂幕離披蜀
葵黃狼藉鷄冠赤淨洗六街塵水碧復沙白茅屋頓涼
生微香吹衣幘一雨一犁金貧民免啜泣從此慶豐年
禾黍盈無缺原野景色新能遣悲秋客且暫解焦勞小
榻呼觴集

夏日鈔書小牕如炙念家嚴遠出捕蝗率彼曠野
炎蒸百倍因用家嚴送有隣弟返里原韻示諸妹
煩暑正流金長日當季夏姊妹小牕閒時作喃喃話雙

丸去如梭倏過端陽假楸枰已嬾彈對食却盃罍石鼎
響如潮茶烟看繞舍榴火復薇花景物遞相迓蛙鼓不
停聲令人幾驚咤白汗如雨揮黃沙將人射雖罷火傘
張那得清涼夜太守同民憂詎有案牘暇昔歲厄陽侯
汎濫吁可怕今幸苗其苗轉眼納禾稼胡天不悔禍鳩
鵠未蒙赦蟲豸迭爲災撲面火雲下大地真如爐短後
衣難卸返署未浹旬又促星言駕雖滅旋復興吳越若
爭霸宦海嗟茫茫何時守桑柘爾輩尙童心嬉笑還怒
罵我心耿耿然好懷那得借因思官閣清松蘿高插架
更有秋水篇千載人膾炙早晚涼信來煩憂暫可謝能
息數朝間好把歸鞍跨蛩聲荒砌吟螢光腐草化掃地
更焚香襟期古人亞此事難預期欲言先嘔啞八閩未
云遙時家大人
駐韓庄間遠隔如滄灞蟲口有餘糧俗云蝗蟲口
內有餘糧

諺語堪慰藉薪米慶豐年無憂珠桂價

夏曉

綠樹環庭外荷含晨露深軒牕不受暑水竹自成陰隙
月窺殘夢疎星動曉禽碧樹風遠送涼氣逼衣衾

新秋

淒淒砌裏有蟲吟漏盡聲聲韻轉沉人入夢時初過雁
月當圓處正聞砧風微菡萏浮平沼雨霽梧桐落遠林

掛芳集 卷四十七 五
此夜幽閨偏耿耿悲秋爲感楚騷心

思歸憶諸弟妹兼以寫懷卽用秋羹姐韻

久驚同氣似參商遠道書來篋衍藏離恨各天渾未補
女媧無乃太匆忙

二豎迷藏豈有因歸寧無計慰雙親同懷若問年來况
百丈愁城困此身

鄭雲蔭

字綠苔方坤次女也適福清嚴應渠著有垂露

齋聯吟

夏夜乘涼限韻

乘涼凭畫闌螢飛頻仰視解渴何所需冰盤浸瓜李便
敵曹公梅差亞陳家紫星斗掛疎林柳枝拂棊几忽然
起驚風亂颭芙蓉水明月皎皎光直照深潭底何處碧
荷香沁入金尊裡

賦得滿階梧葉月明中

蘭芳籬菊秀涼氣襲香篝落葉蕭蕭雨寒砧陣陣秋隔
林鴻影杳逐水荻花流讀罷歐陽賦蟬聲韻徹樓

新柳和韻

金穗含烟紫陌春綻黃搖綠色初勻淚凝嬌眼知添恨
舞困纖腰妙入神灞水風柔臨遠道章臺雨暗送行人

掛芳集 卷四十七 五
此夜幽閨偏耿耿悲秋爲感楚騷心

思歸憶諸弟妹兼以寫懷卽用秋羹姐韻

久驚同氣似參商遠道書來篋衍藏離恨各天渾未補
女媧無乃太匆忙

二豎迷藏豈有因歸寧無計慰雙親同懷若問年來况
百丈愁城困此身

鄭雲蔭

字綠苔方坤次女也適福清嚴應渠著有垂露

齋聯吟

夏夜乘涼限韻

乘涼凭畫闌螢飛頻仰視解渴何所需冰盤浸瓜李便
敵曹公梅差亞陳家紫星斗掛疎林柳枝拂棊几忽然
起驚風亂颭芙蓉水明月皎皎光直照深潭底何處碧
荷香沁入金尊裡

賦得滿階梧葉月明中

蘭芳籬菊秀涼氣襲香篝落葉蕭蕭雨寒砧陣陣秋隔
林鴻影杳逐水荻花流讀罷歐陽賦蟬聲韻徹樓

新柳和韻

金穗含烟紫陌春綻黃搖綠色初勻淚凝嬌眼知添恨
舞困纖腰妙入神灞水風柔臨遠道章臺雨暗送行人

空庭寂寞無人迹引得遊蜂陣陣忙

葉氏

江蘇元和縣洞庭山人詩見葉蒼舒國雅

夢

夢深嫌去速夢淺怨來遲未訴衷情盡翻成覺後癡

題梅語亭

牕前風細月痕香嫩蕊參差出短墻幽夢只尋仙子對
羅浮消息語偏長

易慕昭

字淑班安徽歙縣人也

牕外早梅

萬木凋零暖未回春光先漏近牕梅嬌羞不解迎人笑
冷艷何曾畏雪摧最愛素妝臨月下好移疎影上簾來
天公自是憐清潔故遣瓊枝歲首開

除夕

強將華燭延殘臘喜得承歡聚膝前欲望兒成欣改歲
却愁姑老怕添年梅花已報三春信爆竹全消五夜眠
韻事何妨闋閣效也將卮酒祭詩篇

輓陳佩

自是瓊花絕世姿春風何事殞芳枝闐闐空感文通賦

閭巷爭傳道韞詩手訂遺編方女史心通大體勝男兒
虛生半百知音少老眼憐才淚若澌

張淑

江蘇上海縣人

輓孫貞女

月眉雲鬢正青年玉碎花飛事慘然白練從容昭大義
香魂應不化啼鵲

清河公子召修文痛折人間鸞鳳羣百輛未迎甘殉節
名標彤管永流芬

華明慈

浙江鄞縣人檢討華夏之女解州知州王朱日
之室也著有化碧樓集

示弟儼思

功成一劍擾韓城奇俠何妨竟滅名却笑姊來多涕淚
不如長嘯入青冥

富夢琴

字隱蘭江蘇江寧縣人也適無為州邢蒼友著
有繡巖暇草

清詩備采隱蘭姓富氏名夢琴世居江寧祖與
父俱登仕籍隱蘭自幼從父宦遊江西逾十年
始歸隨適吾里邢子以世家女為貧家婦安命
安貧製女工以佐中饋暇則寄情吟咏其詩深

自韜晦不肯輕以示人陸君晴嵐與邢子爲
隣故得見其所作晴嵐轉以示余登選云

咏蘭

茸茸百草叢乃有幽蘭在分明王者香樵子不知愛

紡績婆

荳蔻籬邊秋蕭蕭秋蟲徹夜鳴相續伊啞故作紡車聲
似爲寒衣特催促有時嘈雜疑急雨有時淒切若私語
暗逐清風韻抑揚隔牕驚起貧家女拋梭悵然無限情
碧紗皓月動愁聽機中空織百尺練枉爲他人作針線
可知造物甚不均逸者逸兮辛者辛富兒安坐衣滿篋
等閒聞之曾寒心

秋夜

花影婆娑罩碧紗柴門深閉靜無譁空庭風落數聲葉
老樹霜棲幾點鴉爐近疎簾烟細裊詩吟殘夜月方斜
坐深曷盡鄉園感欲拂吟箋起歎嗟

讀楊忠愍公集有作

彈奸劾本最堪傷自序生平益慘愴宇內綱常照烈烈
人間生死聽蒼蒼丹心皎似千秋日鐵面堅同百鍊鋼
閨閣也知欽節義一披遺囑涕沾裳

讀公詩已淚潛潛遺囑何心忍再看自咏洵同霜栢勁
彈奸直作劍光寒蟒蛇手却膽成鐵枷鎖風吹香比蘭

大節千秋昭宇內可憐國步彼時難

藕絲

潔婉瓊瓏幾丈絲饒他冰雪亦相宜漫言埋沒污泥下
心孔從教白不緇

夜坐聞秋聲

西風颯颯快如刀東院高梧漸已凋愁緒挑燈言不盡
朝來題在美人蕉

王氏

江蘇蘇州繆孝廉之惠室

句

死有千金骨生無一顧人

天有風雲常欲暮山無草木不知秋

隨園詩話蘇州繆孝廉之妻王氏咏馬云云又慢興云云

擷芳集卷之四十八目錄

才媛詩

古歙詔菴汪啟淑選

程岷姪 二首

陳書 句

吳淑英 一首

錢慧 四首

王松清 四首

吳瑛 三首

吳琇 三首

周仲姬 八首

莊嚴 一首

郭安貞 一首

吳年 八首

徐暎玉 十一首

許元潔 三首

趙倩 一首

姚棲霞 七首

陳氏 四首

查蕙芳 三首

陸秉佳 一首

擷芳集卷之四十八

古歛訥菴汪啟淑選

程妃姪

江蘇長洲縣人黃子雲之女弟子也詩附見於

長吟閣集

黃子雲贈閨媛程妃姪詩戚屬叨居杖者流短
筇旬日一來遊闕疑卷帙盈盈問細作羹湯歛
歛留詩思百端期入室風光二月愛登樓吳中
得播房中曲文雅江南第一州

納涼水明樓與黃師聯句

欲挹西郊爽雲疎簾向晚寒妃荷香風細細雲竹影水

漣漣妃小閣三杯酒雲斜陽一樹蟬尊嚴馬融帳妃冲

淡素娥絃秀句傳芳歲雲高山仰大賢肥眼前舞雩隊

轉更說嬋娟雲

抱疴秋夜奉懷黃師

腰圍瘦減鬢髻欲報新詩媿未能簷雨滴階秋臥病

薄帷半卷對殘燈

黃子雲和程媛抱疴秋夜見懷韻三秋知爾常多病柳絮清吟定不能諷詠報章娟秀甚老人何幸有傳

陳書

號南樓老人浙江秀水縣人適海鹽錢贈君綸

光以子宮傅陳羣貴誥封太夫人能詩善畫

國朝畫徵錄陳書號上元弟子晚年自號南樓老人秀水人太學生堯勳長女適海鹽錢上舍綸光善花鳥草蟲筆力老健風神簡古翁鶴菴先生嘗嘆曰用筆類白陽而道逸過之間作觀自在關壯繆呂洞賓像上舍家貧而好客夫人典衣鬻飾以供嘗賣畫以給粟米雖屢空晏如也課子嚴而有法長陳羣康熙辛丑進士入翰林今官通政北直學政次峯廩生早卒次界寶雞縣知縣亦善花草夫人以陳羣官誥封太淑人卒年七十有七宮傅錢陳羣敬題先慈所畫出海觀音像詩萬里波濤萬里平萬年自在萬年清十方善信同瞻仰無縫天衣一筆成

句

賣幅青山佐讀書

香樹齋續集註臣母善繪事山水人物花卉翎毛俱臻神妙訓羣兄弟讀書夜則紡績晝則隨意作

畫曾有句云賣幅青山佐讀書
每有畫經進輒蒙天筆題識

吳淑英

江蘇姑蘇人詩附柳漁詩鈔

題崔莊驛壁

輭紅塵裏小雙鬟
萬里憑誰望賜環
腸斷東風聞杜宇
一齊灑淚向青山

柳漁張業師次韻詩荒雞催理綠雲鬟冷墮茅欄
月似環馬首琵琶能作語好憑萬里訴家山

錢慧

字性聰里次所適未詳

次韻題明妃圖

一幅圖成萬恨稠
蛾眉去國獨悲秋
幽姿至竟埋荒草
何必青青壟上頭

孫貞媛詩

忠節貞操克兩全
千秋大義一庭傳
南園召鶴多題咏
底許嘉名琬琰鐫

生向華亭逝廣陵
中間飄泊悵懷增
逃回兵燹烟花斃
老嫗空勞竭股肱
緱山鶴去影蹁躑
特勅貞魂入洞天
若遇靈香問前事
爲言辛苦誤芳年

王松清

安徽無為州人著有松清偶詠

清詩備采王松清余故友王君聲聞之長女幼嫻姆訓從父學詩及笄歸我族弟詞章居敬食貧女工助給暇則拈韻以遣懷

燈花

不同百卉待栽培特為良宵報喜來嫩蕊直從三昧吐
疎花止借一莖開靈光未許狂蜂採明艷寧容粉蝶猜
笑彼朝榮多夕萎好將赤焰壓朱梅

蝴蝶

身輕翅薄態偏狂慣向花陰暗竊香春色滿園堪入夢
飛來飛去為誰忙

贈富隱蘭

聞說才華迥出塵丰儀未覩意先親金陵勝地奇花種
移向芝山幾度春

神交久慕蕊宮仙強學塗鴉寄短箋莫令才華羞賜和
須知同病更相憐

吳瑛

字雪媚江蘇長洲縣洞庭山人吳柳亭之女也

適席允成著有玉壺集

七十二峯足徵集氏名瑛字雪媚吳柳亭之女柳亭無子有二女長雪媚次冰香柳亭愛之如掌珠少小教之諷詠詩書涉獵翰墨皆以能詩名雪媚尤工小令適席允成性不耐俗琴瑟失

調雪媚令其置妾以抱衾裯自居虛室焚香啜茗繙閱書畫研弄筆墨或與允成相見真如賓也未幾允成中讒時有終風之暴氏鬱鬱不得志又家計日落境益窮蹙有姑母許孺人居吳城哀其遇而憐其才延為女孫師閱歲始歸及姑母卒氏無所依竟憔悴以歿著有玉壺集憂傷怨誹之詞居多令人不忍卒讀

春歸

觸目關情不自由
鞦韆庭院等閒休
低徊瘦影羞臨鏡
料峭輕寒怕上樓
午夢欲成憎燕語
閒愁如約聚眉頭
金刀彤管渾疎却
難挽韶光片刻留

秋思

殘暑全消已半秋
亭臯木脫景逾幽
涼颼又如妒夫人扇

皎月徒添思
婦愁幾度聽蛩臨
玉砌多時盼雁倚
紅樓
近來也似黃花瘦
莫笑安仁易白頭

落葉

雪染楓林一片秋
黃於籬菊絳於榴
相看莫當無情物
會載宮詞出御溝

吳 琬

字水香江蘇長洲縣洞庭山人吳柳亭次女也
適席大業

七十二峯足徵集席大業妻吳氏名琬字水香
吳柳亭次女工詩詞子紹雄女蘭蕙芬芳四人
皆有著作

初夏

荷錢透水日初長
燕子穿簾語畫梁
體倦試聽花漏短
停針豈是妬鴛鴦

七夕

名香夜靜蕪金爐
院落風敲竹韻多
漸覺入秋蓮漏永
幾人不寢望銀河

曉林鳥韻

風微日暖綺牕明
滿院羣芳媚曉晴
妝罷青閨無箇事
玉階小立聽鶯聲

周仲姬

字淑和號二如福建海澄縣人明經周彬之女
適龍溪縣諸生李堯封著有二如居詩集

周正思二如居詩集序夫策馬陟祖為闈思之
祖伐條采芣見王化之成婦人之詩莫不協聲
律而用邦國矣後代採風不及太史不陳而巾
幘之操觚染翰猶多雅製引重藝林此以知女
子善懷能發乎情止乎禮義者亘古以來不可
廢也余族姓散處霞城秋間謁先忠愍公祠至
吾兄質先之家質先故名宿文稿行世已數十
年延姆教女歲靡脯脩因出其奩中近咏相示
覆按之下喜其清微淡遠能自為詩焉夫詩者
自然之音也女子之詩與男子異而吾質先之
女又與諸名媛異何也女子無間關僕馬之勞
以歷其境無炎涼悲喜之雜以窮其變無南皮
西崑洽襲之體以蔽其聰錮其習不勞則逸不
雜則幽繡幄薰香之上縹苔芳樹之間復相與
徵事抽函分題授簡幾於圖書有篋針線無箱
則天倫之中自為恬雅者亦遠勝於盤中索句

錦上迴文之什矣質先請余序

而刻之予為道其梗概如此

古檀詩話龍溪閨中令嗣李孝廉威刻稿行

著二如居集頗多警句

世豐州王君炯以二律題其後中一聯

云文傾繡闥才人筆句諧香奩學士心

李離明題二如居集詩婦言不踰闕葩經乃戶

喻于詩揚其風禮從示以度長言叶正聲德立

以之附嫂氏閨儀修不炫辭賦當其寫惠音

淵淵出元悻傑烈與淒矣沙汰淨毫素流連倫

物問悲愉與節赴襟抱甄春和天亦潤其遇帷

房徹堦堂吟誦迫晨暮以斯知家修淑問良有

故煌煌邑史編銀管勞記注

豈惟志乘光用卜吾家祚

葉詩題二如居集詩轄軒客自武夷迴搜得江

東謝女才月下水邊吟未足暗香微逗隔溪梅

睡鴨香鑪結片雲閒披閨集續回文

狂夫若慕璇璣手乞把金針度細君

王炯題二如居集詩元禮交情昔共推三山講

席幾追陪文壇已識風騷將綺閣爭傳錦繡才

儒雅一門同趙管淹通萬卷等封崔

深閨自得良師友看抒瑤篇埒玉臺

詹恒題二如居集詩才人筆墨學人心掃室焚

香仔細尋讀到摠懷忠愍句碧天月靜斗牛沉

天倫誰不有深情誰似情從禮義生却笑易安

居士稿空將打馬賦流名陰風弄月亦何妨最

愛清言吐韻香真趣元非關學問看來還是學

為長曾於藝苑識梁鴻蘭社招邀刻燭紅為報

孟韓何處覓良師益友在閨中轡軒采獻古風

謠周召南中可共標女史即今存邑乘名山干

載未應銷果是抽毫東觀才閒將餘緒托

新裁莫言風教歸吾黨應讓香奩讀玉臺

許晏題二如居集詩居然巾幗一詞宗何必詩

人窮始工潔並冰壺欺粉白艷同花簇綻春紅

倡隨却喜為供奉博雅應推作侍中此日騷壇

誰執耳二如詩草出羣雄此志將言合有詩章

章句句駟之思篇中不少風雲態卷裏終多禮

義詞兩詠先忠垂誌乘一班紅粉獨鬚眉裙釵

每作香奩格半

是風流亦可啞

雨晴

遠望清江上西風薄素天野苔經宿雨岸柳帶晴烟雁
迴孤雲際帆飛碧水邊曲廊初瀉影和月那堪眠

山村

遠眺寒山麓平雲接暮村歸鴉迷落日殘杵動黃昏月
迴依林樹川迴繞石門重看城郭外亦自有乾坤

龍溪縣志龍溪邑閩閩中能詩者寥寥近有諸生
李堯封妻周仲姬著二如居集頗多警句五言如
植竹示兒子云虛心能破石轉眼已凌雲秋雲云
微意橫孤嶂輕陰住碧空山村云歸鴉迷落日殘
杵動黃昏月圓云輝光萬里共不盡此時情七言
如雙節廟云為厲欲殲生弔眼捐軀纜信死齊眉
秋晚云誰家玉笛吹來急更唱關山曲未終絕句
如寄妹潤玉云碧梧漏下秋霜影猶是當年舊月

陰工整俊
逸可詠也

母氏忌日

薄暮風蕭雨又狂北牕兀坐動淒涼新花濺淚年年似
舊物驚心處處傷反哺難成烏鳥志關情悵望白雲鄉
追思往事頻回首一度韶光一斷腸

讀忠愍公傳

不謂行危言亦危幾回抗疏起瘡痍殊勲早定淨梁日
大節非關就獄時後死七人無復恨先生千載有餘悲
盛時若遂歸田志海國應多墮淚碑

海澄縣志漳中閩媛能詩絕少省志僅載漳浦李
氏女汲水一絕風韻嫣然澄金沙周氏淑和仲姬

明經周彬女也閨教夙嫻皆工吟詠淑和既適人
早世仲姬適龍溪諸生李堯封著有二如居集嘗
讀忠愍公傳有詩云云其慷慨論古
絕無柔靡脂粉之習真可謂女士矣

秋晚

晚景斜暉映碧空
堦前月色漏梧桐
蕭蕭蕭氣催殘杵
淅淅秋聲度遠鴻
幾點寒花開老圃
滿林落葉逐西風
誰家玉笛吹來急
更唱關山曲未終

聞砧

夜靜砧聲急
空庭月色幽
寒衣何處搗
斷續使人愁

寒江坐月

寒江夜靜數星稀
搖樣金波湧月輝
忽見宿鷗驚浪起

渡頭雲影已微微

送春辭

風風雨雨競霏霏
遠望東臯心事違
燕子巡簷忙太甚
無人知道是春歸

莊嚴

詩見谷音傳響

次韻題明妃圖

遙憐水疊與山稠
萬里雲愁出塞秋
到底明妃輸一著
不曾殉節漢宮頭

郭安貞

江蘇上元縣人

望雲閣詩題詞

自是天葩吐異芬蘭言吹氣散氛氲那知卧閣嘲香霧
但解登樓望白雲雪入謝庭皆見玉霞橫蘇錦盡成文
閒吟我亦憐同調早慧如君孰與羣

吳年

字古春號雪庭浙江歸安縣人適烏程縣董啟

挺著有雪庭遺稿

吳蘭庭雪庭遺稿序略雪庭稿者家姊遺詩也
姊諱年字古春適烏程董啟挺著有雪庭稿一
卷姊之言曰詩本性情自輔軒之使不行于郡
國而文人學士乃獨以其詩鳴蓋里巷之詞由

茲紉焉且女子之詩更獨有難焉者矣人當偃
處一室瞻卷石之山臨尺波之池嘯歌俛仰自
謂適意及與之登岱宗歷太行浮舟江淮東臨
碣石以觀滄海則耳目之間倏倏然遠矣昔人
謂太史公周行天下故其文有奇氣張燕公謫
岳州以後詩思清婉得江山之助理有固然無
足怪也女子擁蔽其面送迎不出門見兄弟不
踰闕思慮拙瑋無所觸發其或遊覽所歷亦嘗
登山涉水而拘而不化蔑以流暢其機澤雉畜
乎樊中神雖王不善也此其難者一也易曰麗
澤兌君子以朋友講習論語曰就有道而正焉
言孤陋之難成而親炙之足貴也學者日侍先
生長者之前耳提面命講貫習復退則密友良
朋倡予和汝奇文共賞疑義與析更或負笈從
師千里命駕求當代之偉人與之上下其議論
彼學成名立者誠有如是之博交而廣益也女
子言不出柵偶有所得自吟自賞不敢輒以示
人亦有賢人之妻名家之女中郎羣從皆我師
資而逸倫絕羣或未遑也矧其為渺焉寡和懷
獨行之憂者乎此其難者二也詩有六義比興

居多往往言盡于彼而意通乎此故鷄鳴風雨
跡類鶉奔關唯琴瑟刺與珮玉其稱名也屢遷
欲加之罪非口舌所能勝也詩不云乎士之湛
兮猶可說也女之湛兮不可說也嫌疑莫重于
男女廉耻莫大于閨闈風雅關乎性情者甚微
而聲音發于男女者易感此美人目成左徒之
所以志潔行芳也梅花作賦廣平之所以鐵石
心腸也若乃身為女子評花問柳語苟涉乎微
嫌卽噤口搖手相戒而不敢出仲尼曰言以足
志文以足言不言誰知其志言之無文行而不
遠此其難者三也夫樹曲木之表者不可規以
直景徙莊嶽之里者不可責以南音具此數難
求其盡善上哲有所不能况望諸中材以下乎
古今來女子多矣或不暇爲詩幸而暇矣或不
能強以所不樂而此之暇焉樂焉者又束于一
定之局窮年畢世不克盡其所長此固千古巾
幘之羞乎夫亦大造生成之憾也夫物之不能
勝天久矣而或且起而爭之則亦徒見其信道
之不篤爾蓋姊之自序如此死年三十三又七
年其子錕懼其稿之散軼也請爲哀而次之得

若干首觀其自序
卽其詩可知矣

賈生

漢文有道主賈生王佐才千載幸一遇惜不究所懷年
少倏超遷同列相抵排一斤不復收野鳥言其災志大
不易副名高世所猜翊建出非常往往成禍胎不見東
市上安劉鼂氏危

古釵

陰丸墮地桂枝折雨花洗盡青虬血千年土精吹暗塵
玉妃夢散幽踪絕樓臺日暖春悠揚簾鉤欲透珊瑚光
粉奩寂寞聞歎息靈蛇不語鸞無腸

桃源圖

仙源迢迢隔流水風塵不入幽人耳谿邊何事種桃花
尋踪却引漁舟子詰朝返棹重踟躕風景依稀清夢徂
重來不復記其處未知桃花猶在無披圖歷數烟中樹
人物衣冠俱古素商山亦有采芝翁安車乃爲安劉去

秋至

秋至愛明月清宵引興長半牕描素影一徑逗微涼歲
序仍搖落關河更渺茫羈愁非我事望遠却霑裳

梅花

鍊就人間冰雪魂不須獨立怨黃昏疎櫺欲透香無界

澹月相參夢有痕臭味宜從塵外賞飄零休向曲中論
江南好憶垂垂發淺水荒籬占小園

畫眉鳥

眉嫵風流在瓊枝定借棲遠山春自好何事盡情啼

觀鬪草

摘葉拈花佐勝遊殘春狼藉倩人收劇憐康樂池塘句
剩有吟髭賭錦籌

雪眺

風刀刻雨欲成花漠漠從教望眼賒一樹槎柯身入畫
更宜人意是棲鴉

徐映玉

字若冰江蘇崑山縣人適孔青崖沃田沈大成女弟子也著有南樓吟稿

水曹清暇錄徐媛玉字若冰吳縣閩秀為沃田沈大成詩弟子有南樓集且兼學佛臨沒神識不亂起坐說偈云來從梅花來去向蓮花去去來本無心無相亦無住

學齋隨筆馮定遠有女弟子董雙成毛西河有女弟子徐昭華近日香溪閩秀徐若冰問詩于沈師沃田亦稱弟子畫南樓授詩圖題者甚夥惠徵君定宇序之沃田贈詩云漂泊湖山快論詩酒邊燈伴幾心知絳紗弟子徐都講也是西河老去時若冰名映玉與錢塘方芷齋青浦許

虛清唱和著南樓吟稿七夕云一宵要話經年別那得工夫送巧來筆致殊情越沈大成徐媛傳徐媛名映玉字若冰蘇之崑山人媛嫁孔氏從良人僑居浙久之遷吳徙香溪

上年三十有五以庭卒媛幼警喜讀書稱詩巧鍼縷佩服櫛珥必修潔長而愛梅每風雨至顧而泣若有傷於心者家人竊怪之父善奕媛旁觀覆不失一學琴得虞山指法既嫁曰此非婦人事也遂輟不為其父母以無子依壻居媛奉舅姑處娣如遇宗鄰戚內外無間言甲戌春余遊武林見媛梅花詩偶為更訂數字媛見之喜曰此真吾師也遂來問業稱弟子余往來吳中館其家嘗留惠徵君松厓飲媛入厨治具或以為腆曰吾重惠先生之經學也它日戚有為縣者飯其舍或又以為儉曰若徒知取科名耳安得儕惠先生哉烏嘖世惟崇勢位趨財利矣媛一女子能審輕重若此其識豈不出於尋常萬萬哉媛自學於余漢書楚辭文選古樂府歌辭皆成誦能通其義問偏旁調反切習筆算每見余行篋善本必借得挑鐙校勘然其生

平多愁善怨俯仰太息中鬱鬱不自得用是疾作更三稔滋劇將死泣顧父母曰兒命薄死無憾惟吾親之養不終銜恨入地耳烏嘖其可哀也已其所為詩有南樓吟藁若干卷

可哀也已其所為詩有南樓吟藁若干卷

可哀也已其所為詩有南樓吟藁若干卷

可哀也已其所為詩有南樓吟藁若干卷

可哀也已其所為詩有南樓吟藁若干卷

王昶南樓吟稿序略昔吾郡楊鐵崖以詩名聞天下製西湖竹枝詞獨薛氏蘭英偕其妹蕙英以為東吳自有竹枝因作詩十章單行側出迄今垂五百年風流標舉吾友青崖孔君之配徐媛若冰夙嗜吟咏所撰南樓詩若干卷選事必新攷詞必雅殆繼蘭蕙聯芳之風而興起者與雖然薛氏生長東吳所見諸詩者亦止太湖洞庭則館娃臺則姑蘇稍寥遠者亦止太湖洞庭澤焉爾若徐媛從其良人僑居西泠鳳林春秋佳日烟篷雨櫂延緣遊覽鐵崖竹枝所歌之風景博聞而習觀之既歸於吳凡薛氏所見諸詩者又靡不遍歷焉宜其詩之工也豈如薛氏之僅以姊妹共倡和者與過於薛氏遠甚乃不欲單行側出而雅托於繼飛是余所得較鐵崖有多焉者鐵崖之題薛氏詩卷也曰好將筆底春風句譜作瑤箏弦上聲讀南樓之集者亦當於此焉求之已矣

歸愚詩鈔注媛生時母夢寒梅一枝墮于庭性甚孝生平愛梅南樓吟稿中咏梅詩甚多歿之

日庭前所蒔梅多凋落符母夢也

王鳴盛書徐若水傳後詩嫫母衣錦西施貧石上浣紗行負薪寒女機絲徒作苦邯鄲廝養寧良姻中郎阿大羣從盛新婦懊惱無參軍桑榆失身李清照柳梢寫怨朱淑真固知才是不祥物男子猶然况婦人徐家女子師孔叟撚脂麗句能為鄰少年淪落寄賃廡相隨夫婿如浮雲緯蕭漚麻并澣統蓬首縞袂拖青裙餘光分取鑿破壁句壓成哀追昭莘彼哉何人被繡翟畫閣傅粉名香薰飢來有字煮不得窮乃自取因多文生前愛梅吟樹底死時樹亦凋清芬天寒翠袖何處倚嶺頭玉雪招香魂我恨山妻乏好語花飛釧動誰同論尚愛都官宛陵句與婦對飲勝俗賔因悲徐媛還愛都官宛陵句與婦對自幸廿載挽車仍少君

徘徊真成天意饒惆悵反覺神明佐不才清唱悠悠留綺閣瓊姿定定返瑤臺忍看牕下寒梅樹悵望嬋娟黯自開

王廷魁題徐若水南樓吟稿詩雁宕河邊有謫
仙才高詠絮妙天然玉臺句子家風在又見南
樓白雪篇在璞詩傳浙水灣蜀岡吟嘯更誰攀
於今妙詠簪花格秀絕吳中面面山詩中投報
盡仙才弄墨撚脂尺素裁吟思
已超椒茗外瓣香原自澱湖來

誦芬樓詩用謝康樂登池上樓韻

高樓縱負攬微風送遐音漉漉圓景浮依依斜陽沈主
人蕭且閒羣雅媿以任安排琴尊具游戲翰墨林幽興
出入表良時快一臨江流旣明瑟山態亦岑嶽卉木媚
深秀烟雨冒層陰容與起汀鷗回翔下臯禽往來多勝
引遠近有清吟願以作者意仰窺靜者心詠絮慚似昔
誦芬請從今

戊寅元旦

上日啟芳辰曈曈曙色新卷簾呼倦婢酌酒獻慈親虛
壑冰將解方塘草漸勻不知留滯客可憶故園春

秋月奉和六叔祖

高空懸一鏡相望可憐生翠簾渾無暑青梧似有聲坐
看清影轉不覺曉鐘鳴夜色真幽絕堪吹子晉笙

代東寄外

一自分飛後終朝鎖黛眉每嗟生計薄無那病魔隨翠
管何曾搦菱花幾去窺三時常伏枕經日不褰帷未卜
鷓鴣穩難逃斥鷃嗤世情蛇退嶺塵路馬當祠莫雨蕭

蕭候寒風瑟瑟時
凄其添感慨岑寂倍愁思
旅况知侘傺羈懷定鬱伊
安心宜淡泊舉足慎欽崎
變態由人幻周防慄自持
粗酬身事了歸議鹿門期

夏日閒居

鏡檻渾無暑氣侵
幽居却喜似山林
松牕閒寫夫人帖
蘭閣還調中散琴
新竹娟娟橫翠影
疎蟬嘒嘒曳清音
曉來幾陣迎涼雨
滿院荷香襲素襟

代寄女兒

屋角雪花寒漸積
枝頭梅蕊暗生香
擁鑪分韻無蘭契
剪燭論心憶雁行
楚水吳山雖尚隔
停雲落日豈能忘
歛書每惜韶華駛
念別偏嫌歲月長
卻喜高堂強健在
但愁遠道信音荒
遣愁賴有琴三疊
撥悶聊憑書一床
拈就新詞遙寄姊
荆南烟樹永相望

次蘭畹顧姑丈秋登月滿樓韻

滿眼宵光倚小樓
欲邀月姊話閒愁
坐看青鏡飛珠箔
好擘香牋咏玉鉤
衣杵一城驚斷夢
風烟萬里入高秋
茫茫東去胥江水
極目銀濤起白鷗

閨緒

貼罷花鈿整繡衣
閒攜女伴踏春暉
小姑穉齒嬌癡甚
遶徧闌干撲蝶飛

擗擗東風透碧紗牡丹已吐十分芽
迴闌亞字閑憑徧手汲歎壺自灌花

慙慙倦理繡花絨撲面溫磨三月風
分得新題閑覓句朱絲斜映鎖牕紅

臨罷黃庭理素琴淥波一曲托冰心
閨中誰是中郎女解識鸞音與鳳音

許元潔

字雪芳浙江仁和縣人適國學生施錦著有耘古樓詩草

秋杪破曉遊湖上

月落西風緊扁舟獨往還山巒烟霧裏樓閣水雲間
霜樹棲烏鵲沙汀起白鷗蕭晨遊客少清靜一開顏

西湖晚眺

烟波如畫杳溟濛幾杵鐘聲出梵宮
遠樹漸迎新月白扁舟遙泛落霞紅
樵歌隱隱千山晚漁笛嗚嗚兩岸風
何處湖樓燈火早望中依約見歸鴻

咏梅

盡洗鉛華不受塵冷香清韻伴黃昏
一牕畫影三更月疑似羅浮夢裏魂

趙倩

字徽懿詩附見於陳素素集中

題二分明月集

丹青一幅麗人圖描出新粧絕代無玉貌盈盈臨玉鏡
秦樓明月照姑蘇

姚棲霞

江蘇吳江縣人布衣姚岱之女幼聰穎能辨四

聲十齡卽解賦詩年十七天卒著有剪愁吟

農隙筆談閩秀姚棲霞所著剪愁吟佳句甚多
填詞亦秀雅可誦有詠牡丹調寄滿庭芳云問
人間富貴誰復如君但恐茶蘼開後風流褪誰
共芳樽添愁恨紅粧淚灑無語暗銷魂為世所
誦傳

早梅

乍賞東籬菊俄探北隴梅水邊孤影動嶺上一枝開不
待春風逗何勞臘雪催疎燈明紙帳昨夜美人來

書懷

空閨何所嗜琴咏自相將覓句終宵健調絃盡日忙竹
憐霜後色梅愛雪中香瘦骨耽閒慣無心學艷妝

哭祖父

晚年作客力摧頽雪裏鄉關抱病回龐老安閒曾未得
嵩山拄杖忽相催百年家累雙蓬鬢千古窮愁一土堆
腸斷悠悠風木恨哭聲長聽二親哀

柳

綠暗山村與水村
千絲萬緒鎖烟痕
陌頭綰盡離人恨
一度春風一斷魂

朝朝送客在河橋
折盡長條與短條
一曲驪歌鶯語澀
綠眉愁鎖不堪描

寒夜不寐口占

半庭殘雪暮寒生
榻近梅花病亦清
冷夢未成燈自滅
疎鐘畫角一聲聲

夜永牕紗月下遲
無眠起坐強支持
意中多少難言事
盡在低聲喚母時

陳氏

貴州貴筑縣人觀察陳法女適周生承元

謝廷薰陳氏遺詩序略陳氏貴州貴筑縣人原
任直隸兵備道陳公名法字定齋公季女方八
歲定齋公課以小學五經十三歲教以李杜韓
蘇諸家詩氏潛心力學出筆清腴秀麗風雅宜
人定齋公顧而色喜因有絮沾嬌女臨池筆衣
污曾孫繞膝餽之句後十七歲氏胞兄工科掌
印給事中慶升公主試西蜀闈畢歸里兄妹疊
相酬答里中傳為盛事十九歲于歸原任粵東
直隸連州周公名儒之子承元承元性靈聰敏
嗜詩詞其時所得師資者杭公世駿陶公愈隆
皆其父儒公同年也是以日承講論而風格亦
有根源既得陳氏佳偶益精法律而唱子和女
夫婦而兼良友隨補博士弟子員屢鄉薦未售
人雖知為令先君儒公教育所成蓋亦獲內助
砥礪而學始深也子因採輯氏遺之詩僅獲數
十首並為之序俾閨門錦繡燦布詞壇中幅芳

聲宏昭藝苑此
則子之志也夫

絳桃花

桃夭原足咏色絳蕊愈豐光耀離南位輝騰赤帝宮名
隨細核重號比紫文隆片片朱衣錦枝枝鶴頂紅雲霞
分冶艷瑪瑙遜瓊瓏迥與銀花合還將火樹同敷榮宜
暖日裁剪愛春風定是瑤池種移來小院中

月季花

嬌娥裝滿月初圓綠鬢紅顏次第鮮含淚微嫌春雨打
懷嬌一任朔風牽頻來舞蝶終朝醉閱過羣芳幾度娟
自昔色空花是幻爭奇鬪勝獨堪憐

咏燈籠

絲絲入扣盡文章圖圀中涵太乙光代日頻教星退舍
濟人頓使霧收藏十分虛鑑通千里一點丹心照四方
普渡慈航何處問好當靜夜細思量

思鄉

閩苑蓬山道路長海天愁思正茫茫迴腸一似桑乾水
萬轉千盤繞故鄉

查蕙芳

浙江海寧州人諸生會昌女適許立夫著有枕
濤莊焚餘草

海昌詩林查蕙芳自幼工詩詞長篇短章時時
問作及適立夫詩愈工而境愈窮後因夫亡子
折又兼病骨支離乃盡焚其手稿數卷致使壺
德不傳惜哉子遍訪之得其在家所作詩三首
及蝶戀花詞兩首真
吉光片羽也存之

秋日送兄

一入開陽幕頻年不抵家暑消殘夏日涼引早秋花烟
樹迷鄉曲雲山隔使車遙遙三載別猶未見歸槎

暗水流花徑

日落烟波暝紆迴幾畝花空濛沉樹色瀲灩挹香葩疎
影搖空碧幽香落淺沙名園春正好領取在詩家

剪秋紗

誰將快并剪輕紗細細裁成白玉花纖巧宜人恣刺好
數枝雅淡映秋華

陸秉佳

江蘇上海縣人已酉孝廉陸瀛亮之長女也適

同邑梧州守李公宗袁

登衡州晴江亭

時攜子婦
及兒輩

敲枰消永日局罷更傾壺澄水晴涵碧遙岑望若無桃
經含露潤柳欲倩風扶爲踐登臨約同人興不孤

擷芳集卷之四十九目錄

才媛詩

古歛訥菴汪啟淑選

張似誼 八首

萬藻 六首

金至元 十一首

方氏 二首

秦影娘 二首

閔氏 一首

應世婉 四首

郭愛 一首

桂蘭玉 五首

杜瓊枝 一首

顧諤 一首

姚靜閒 七首

蘇棻 八首

李韞玉 三首

李馥玉 八首

汪蕙 三首

吳正肅 五首

周澧蘭 五首

擷芳集卷之四十九

古歙初菴汪啟淑選

張似誼

字鸞賓安徽桐城縣人兵部尚書僖和公女主

事姚文燕配也工書善畫著有保艾閣詩鈔

吳坤元保艾閣詩鈔序畧吾里姚母張夫人與
余有中表之誼猶記十年前吾姑母過予小閣
語予曰吾有季女頗夙慧知畋漁詩篇區明雅
俗又蚤夜吟諷敏而能勤他日含宮咀商其庶
幾步松聲之後塵乎予唯唯謝不敢嗣是綺閣
鬪柳絮之吟畫堂獻椒花之頌夫人詩日進而
與予音問亦少踈矣甲寅春偶晤其長愛索予
後先諸刻兼以夫人保艾初集見貽予愛而讀
之益嘆吾姑母之期許為不虛也予老人年垂
大耋惟日課梵唄數聲風雅一道久度高閣寧

復能唱予汝和步夫人之後塵也耶去年秋得與夫人道故越旬日手錄二集屬予為序予一再披閱其追惟先烈則風木之餘悲也其恪襄外政則眉案之遺徽也其篤愛同氣則冲芬之唱和也其眷念弱女告戒姬侍則曹大家之女誡而宋宣公之家學也猗與休哉非濡染典故規撫昔賢原本於司馬工部之教而鑪錘以紉蘭清芬之學焉能誦拊搏升令人一唱三嘆而不能已耶予老矣無能為序願夫人出風入雅日進無疆異時麟趾振振八座起居太史採風以夫人全集上之樂府則夫人之詩傳而序夫人之詩者亦與之俱傳是則予之厚望也夫

初夏曉牕

啼鶯驚曉夢強起未成粧覽鏡驚容瘦看書喜日長簾
踈風燕舞徑靜露花香不覺流光易枝頭杏子黃

偶讀大兄留別四章依韻和之

莫謂韶光速深閨自覺難家鄉雲外隔姊妹夢中歡愁
極翻無淚思多欲廢餐阿兄歸甚急長恐累猪肝
夭桃紅已綻弱柳綠如斯見此春容好難禁淚暗垂合
昏花早種並蒂果誰貽一縷茶烟裊書窻聊自怡
小徑蘭初茂花開見並頭芳馨那忍折蜂蝶若為謀身
似忘機鳥心如不繫舟鄉山頻極目何日可無憂

春日移居有懷夫子十韻

斗室堪容膝翛然借一枝安居聊避俗閉戶好吟詩荆
布頻年慣蘆簾此日宜靜中延弱體江上動遙思薄宦
愁誰諒窮途恨獨知危疆需保障冷署重栖遲遠道鄉

心切深閨別淚垂
離情無寄處歸夢有醒時
歲暮憂懷抱風霜入鬢絲
小園春色近花發是歸期

寫梅

爲愛亭亭姑射仙
小窻淡墨寫雲烟
神如大庾峯頭得
香似孤山頂上傳
傲骨儘教風雨妒
冰肌不受雪霜憐
酸心幸有垂枝子
他日調羹獨占先

雨窻遣悶

纖纖微雨洒窻前
悶倚熏籠倦欲眠
書卷豈能拋白日
愁懷不敢怨蒼天
雙蛾懶畫從教淡
高髻慵梳亦任偏
書至阿兄分貢茗
且温爐火煮新泉

月夜憶夫子

霜風月影透窗紗
香冷金猊獨吐花
料得寒侵孤枕客
相思應有夢歸家

萬藻

字季齋一字挾齋
浙江鄞縣人太史萬經季女也
長沙周運判宣猷之繼室
著有挾齋詩鈔

杭州府志萬藻字季齋本鄞人家于杭康熙癸未翰林萬經之季女經精漢隸藻聰慧善記誦幼嘗侍几硯問得其隸法會稽魯太史曾煜題藻書軸曰古隸書程邈始誰其傳者萬太史太史經學兼字學傳之男子又女子一時有才女之目長適離司周宣猷爲繼室周故長沙名進士也閨中唱和有西湖雜詠年二十一卒

周宣猷萬安人傳畧萬安人諱藻字季齋一字
 揆齋浙之甬東人家於杭世以經學顯父授一
 先生以翰林督學默中書法為儒材模楷安人
 其季女也幼聰慧常侍几視得傳其隸法詩偶
 為之所著揆齋詩鈔回祿後遂不復檢拾今僅
 存十餘篇其組織繁縟見即能工性純孝篤於
 友于之愛年二十歸於余每述父母鍾愛之情
 及兩兄遠宦殊方輒為咽不能已視粧奩服物
 財帛不以屑意惟求良筆精紙日從事秦漢法
 帖辨其體裁究其指畫他無所好也撫兒女恩
 義交至教繡課字日有常規太夫人偶患瘧禱
 於天所以身代兒女病必親煮湯藥和而進平
 生不喜僧尼而好談仙每月白風清涼夜坐
 飄然作凌雲想曰人生如寄安得化男子身向
 五嶽三山間叩元修乎余竊疑其非久留塵世
 者矣嘗囑其書感應篇文昌訓諾之而未就忽
 一日晨起把筆肅書至夜分然膏以繼凡三日
 而畢字大如棋神致飛動其遺墨今竟不可多
 得紳士如全謝山厲樊榭諸君爭題咏之舉一
 女產後偶失寒暑醫者候投以參劑遂不起卒

年二十一乙亥歲歸葬于長沙之大明寺側遵其遺囑也

七桂堂中秋呈家太史

高秋三五夜皓魄十分圓金粟香初放瑤華露正妍風
 回遲玉笛坐久拭芸箋最是趨庭樂蟾光落几前

翫月

蕭疎梧院靜人影伴青蛾露下寒初覺樓高得更多雲
 山長不礙風笛暗相和自悟浮生理流光捲白波

登樓寄外

走馬樓空月吐烟聽鼉更靜坐忘眠銀河影落虛窗外
 玉宇光浮綈几前離緒經風吹不斷宦塵如海浩無邊

遙知一棹駕湖曲覓句還傾藥玉船

酬外見贈原韻

官衙蕭散類僊居退食從容細檢書風送花香簾影靜
筆床相對韻魚魚

自是陳思八斗才酒樽棋局放衙回新詩草罷秋蘭馥
九畹知從湘澤來

腹笥便便馬鄭倫公餘咏事倍精神二年桃李門墻客

可賦荊州第一人

時分校甲子浙閩

金至元

字載振一字含英直隸河間府人諸生金大中

之女也適宛平查為仁早天著有芸書閣贍稿

趙執信芸書閣贍稿序在昔先王之世太史陳風凡所採於田野里巷間者多閨闈房幃之作若伐桑采葛髦弁膏沐及二姜許穆夫人諸詩是也下至名姓不登史冊其事亦無特異如草蟲雞鳴靜女諸詩亦皆甄錄不遺要以志風俗之污隆民情之好尚使誦之者油然而知所感發耳則洵乎房中之詩之足錄也含英金孺人為查君心穀德配少嫺姆訓織維組紉外博習諸書長工聲韻之學清麗孤秀無絲窻綺靡諸病心穀不忍聽其湮滅哀其贍稿若干首謁予序之或顧以篇帙寥寂為嫌予謂在唐蔡省風編瑤池新集所錄能詩婦人自李季蘭至程長文一十三人詩僅一百十五首以此方之不啻倍屣又何必存見少之意哉即不逮李程諸名媛之詩數反覆是編而溫柔敦厚之旨有深契三百之遺者是又足傳於後無疑也予舊史官也微心穀請予敢後彤管之書哉

天津府志金瑞人傳瑞人金氏名至元字載振
 一字含英河間府學生金大中女適宛平查君
 為仁夙姻內則不苟訾笑性極孝事父母及舅
 姑皆得其歡幼讀書通大義穎慧絕人女紅之
 外書箏琴管無不精擅尤工於詩著有芸書閣
 稿清拔孤秀不染粉黛習氣平素閱不示人既
 歿世爭誦之濟南趙

宮贊執信為序以傳
 王時鴻芸書閣賸稿後序含英金夫人予同年
 查君心穀淑配也少工吟咏有蘇媛謝女之目
 查金兩姓交最厚因申以婚姻之好夫人甫笄
 心穀以事陷於獄越九年邀釋始成嘉禮焉已
 而兩人追溯往事破涕為笑各出詩卷相慰藉
 此倡彼賡評花賭茗聞者艷之時予婦尚無恙
 熟夫人名時時欲與一見願未得遂今歲首二
 日婦遽去世予從悲苦中作為行畧以寄心穀
 夫人見之亦以不及一見予婦為憾庸知二月
 下澆大人亦復驟鸞天上耶在予以三十八年
 之糟糠歷久而彌悲心穀以未期之伉儷促迫
 而較慘予之悲也以貧賤心穀之悲也以患難

同病云
 頰死腹痛予兩人詎獨身知之與今中元日子
 為亡婦修齋蕭寺心穀郵其悼亡詩并芸書閣
 唱和諸作見示申紙維誦悽愴傷懷樂天詩云
 賴是心無惆悵事不然爭耐子絃聲余顧瞻子
 影惆悵實多哀絲脆竹讀未終卷不自禁淚之
 涔涔盈睫也聊書數語于卷首以歸之且以誌
 予兩人之

古意

倚熏籠兮倦繡日遲遲兮春晝步亭除兮延竚折花枝
 兮獨歛鶯百轉兮將闌柳飛花兮欲殘恨流光兮難縮
 掩羅袖兮泃瀾

夜坐

夜闌人獨坐簾外露溥溥靜愛鳴蜚細涼宜攤卷看水

掛芳集 卷四十九 六
沉留篆久蘭燼受風殘虬箭城頭轉羅衣怯薄寒

春日

午窗寂歷聽啼鶯澹沱春光晝不成坐擁熏爐寒尙峭
旋移花塢雨初晴鈎簾乳燕多尋壘隔巷吹簫已賣餠
忽見侍兒來插柳始知節物近清明

初夏

柳葉珍珍覆屋低綠陰初滿小軒西沿階碧草茸茸長
坐樹黃鸝恰恰啼須識人生皆有定自來物理本難齊
紅闈久誦班姬誡未敢拈毫著意題

催粧詩次韻

句好如仙絕點塵青蓮原是謫來身詩傳彩扇歌偕老

籍記丹臺署侍晨

松陵集注執蓋侍晨仙官貴侶

四照花開融瑞氣九

微燈颺締良姻牽蘿補屋休嫌陋得貯珠璣敢道貧

百和香濃結綺筵雲璈如奏大羅天龍泉那肯豐城掩
水彩依然桂殿圓此日授綏休論晚他時委畚計當先
試看歐碧鞋紅種留取春光分外妍

夜話和蓮坡主人韻

人生大抵遊仙枕已出邯鄲君莫疑世事浮雲無定著
流光劫火漫尋思試香午院宜煎茗鬪墨晴窗好賦詩
終卧牛衣吾不悔只憑清課愜心期

彈琴

擬將幽意寄金徽
拂軫無言送落暉
我有千愁彈未盡
一聲新雁碧天歸

庭花

滿逕苔痕清晝長
枝枝葉葉鬪幽芳
嫣紅姹紫知何限
爭似踈梅淺淡粧

春盡日

九十春光劇可憐
難追羲轡夕陽邊
桃花不識東風換
猶弄妖紅幾點妍

夜坐寄蓮坡主人時客都下

瀟瀟細雨暗階除
坐倚屏山慵檢書
如豆一燈光欲滅
最傷懷是別離初

查爲仁荅內子見寄詩離情無計可消除三百郵程一紙書寄語昨宵孤館夜不堪雨滴酒醒初

方氏

安徽歙縣人適同邑曹應鷗詩集散逸不傳

古意

掃瓦厭苔積莫傷
苔下根試看松葉裏
已具鴛鴦痕

幽香亭貽外

庭前端正樹對夕
起寒陰不許生紅豆
恐傷持贈心

弄閒餘墨曹僧白先生歙之巖鎮人能詩以豪俠名詩文藁零落少存其夫人方氏亦能詩某嘗見

其遺楮今錄于此幽香亭貽外詩云云

秦影娘

字里未詳詩見茅應奎祭吳羹

題旅壁

故園今日已難歸欲覓鄉音聽亦稀石在山頭原有恨
鴈無人字只空飛筌篔乍學羞歌扇荆布誰憐換舞衣
從此黃昏沙磧月擬將青塚伴明妃

暮雲捲盡雁行斜何處天涯是妾家去國夢來魂乍冷
裂肌風入袖難遮情知泥裏沾飛絮敢向風前怨落花
誰是江州舊司馬漫拋紅淚泣琵琶

閔氏

江蘇上海縣人閔璋女黃素之室也

蟬

一響開晨曙羣聲亂夕陽高居新脫濁熱性亦追涼碧
檻濃陰合炎天晝漏長西風執扇罷求汝在何方

應世婉

字淑君號蓉江浙江仁和縣人適吳明府玉墀
著有漱玉亭稿

詠菊

三徑叢荒後寒英試晚香葉疎凝瘦影花冷淡秋光甫

里當時詠淵明此日觴傲霜吾夙羨蜂蝶爲誰忙

湖上饑秋

無奈秋光又欲歸水邊林下每依依紅涵湖影秋蓉老
黃滿山頭落葉飛涼吹尚驚新雁陣殘烟猶繞舊漁磯
詩人不盡徘徊意把酒旗亭咏夕暉

暮春

曉來小雨浥芳塵綠樹陰濃碧草勻正是江南三月暮
落花飛絮已愁人

暮春和韻

百花開過草如烟月色窺簾分外妍獨倚闌干延佇久

不禁清露濕鞋尖

郭愛

詩見汪思白詩倫中

京邸病革自哀

修短有數兮不足悼也生而如夢兮死則覺也先吾親
而歸兮獨慙余之不孝也心悽悽而不能已兮是則可
悼也

樹密齋詩話至性達識古調獨彈得之女子奇矣
得之屬續之際尤奇吾鄉汪思白先生云能脫然
于死生之際在女子尤難恩愛
獨鍾于怙恃至性不可滅也

桂蘭玉



P11-P12

掛芳集 卷四十九
字韞輝江蘇南匯縣人適鮑秀才彬著有詩稿
秋夜偶筆

雲收天際碧新月掛銀鈎遠笛驚歸夢吟懷訴晚秋金
風催葉剪沙鴈逐烟浮良夜毋孤負書聲徹滿樓

暮春卽景兼懷大兄

斜陽綠樹隔溪明花媚閒庭細雨晴小港柳眠風乍轉
叢祠春草夢初成畫堤人醉聯金勒江店雲深叫暮鶯
那惜懷人三月候游絲牽恨不勝情

盆秧

犁雨鋤雲別樣新輕翻勺水也精神月斜簾角絲絲影

雨中白秋海棠

幾點廉纖雨似絲朝來特爲洗燕支風前不作酣春態
雨後偏驚沃雪姿倚檻秋融光淡淡點苔霜染影枝枝
園花莫漫開如錦正是離人腸斷時

破窻

網戶經年紙僅餘空齋瑟瑟伴幽居蜂聲每聽穿櫺入
花影時邀到枕虛白室自應無障礙碧紗猶恐讓蕭疎
夜深挑盡殘燈燼斜透蟾光照讀書

秋夜

一簾殘月影脉脉照愁心何處驚寒早風前急暮砧

春殘

瞥見楊花似絮飛倚闌顧景更依依東風不管人惆悵
徧送殘紅點繡衣

蛺蝶花

錦翅斜欹芳草邊枝枝闌淡鬪春妍曉窻不入莊生夢
付與佳人伴翠鈿

蘇菜

字梅友浙江錢塘縣人蘇月槎之女也適許廣
文大綸閨幃唱和聞極伉儷暮而大綸卽夢炊
曰甚傷悼之集其遺稿藏諸篋中惜貧未能付

梓也

許大綸感舊詩序亡室蘇菜字梅友為錢塘名
宿月槎先生愛女敏慧能詩憶戊寅春余就姻
婦家至巳卯秋卽以病歿余悲慟不能巳向有
悼亡長句八首歲久散失無存今于舊篋中檢
得婦遺稿手迹如新讀之悲從中來復追悼得
七斷句情鍾我輩割棄為難縱以余為老而癡
又奚恤焉夢斷音徽五十年遺編散佚誰傳
空箱檢得銷魂句一種柔情尚宛然髻齡失恃
我堪憐泥汝相依慧且賢記得湖莊同拜母一
盂麥飯泣靈前鵜被鴛疇一載餘清羸標格每
愁予秋窻一病奄然逝絮絮盟言付子虛愛君
清妙耽文史針綫停拈示我詩如此吟朋良會
短河陽那不鬢成絲真成春夢了無痕花落鵲
啼晝掩門幾度望仙橋畔立不知何處覓芳魂
君為天上驂鸞女我作人間落魄身結髮難忘
空學佛梨花寒食倍傷神悄悄偃偃覓舊蹤少
君神術渺難逢他時共穴
雷峯下伴汝閒聽百八鐘

螢

幾點墻陰逗微輝暗復明曾娛狂帝子也照腐書生閃
閃棲衣桁飛飛遶畫楹小鬟閒撲得掌上任游行

詠懷次初觀韻

逝水韶華又幾旬綺窗贏得兩閒身移花自是關心事
覓句生憎敗意人春夢無憑成一笑世情提起卽長顰
與君且進杯中物坐待西軒月色新

秋夜小飲步家嚴韻

桂玉艱難思不禁燈前父女互論心劉伶渴甚常求酒
杜甫愁多不廢吟斷續蛩聲寒惻惻迷離花影夜沉沉

一杯且博團團樂莫笑歸鴉戀舊林

秋日重過南屏山庄卽事

籃輿得得記春游重過湖庄又杪秋無數好山青抱寺
幾株垂柳綠遮樓雙松古肖阿羅漢一塔顏如老比丘
幽景如斯殊可戀夕陽深處且遲留

隣菴有羅漢松二株最奇古蓋千百

年之物也

同初觀詣南屏掃墓作

淨慈門外藕花居極目晴湖畫不如白白紅紅誰氏女
碧桃花下駐香車
痛君年少喪慈親拂拭靈輻互愴神
惛弱自憐非健婦

揚子集 卷四十九
懸知地下兩眉顰
縹渺鐘聲警客思
皇妃塔下日遲遲
茹蔬禮佛平生願
祇樹林邊憩少時

水仙花

粉靨檀心占早春
娟娟小朶絕埃塵
臨風掩抑如惆悵
彷彿陳思賦裏人

李韞玉

江蘇長洲縣人與文弟馥玉皆有詩名適雲間
天馬山周亦何

歸寧

重此相攜倚畫欄
桂花香裏儘盤桓
萱庭霜至驚衰老
荆苑風和叙笑歡
酒泛紅螺春復暖
烟銷金鴨夜初寒
新粧顫有釵頭鳳
忍向慈烏鬪羽翰

春日苦雨

一溪春雨綠浮堤
落盡紅英碧草萋
庭砌積陰墻蘚合
溜簷凝濕瓦松齊
烟籠瘦蕊花鬚迸
雲滯柔枝柳眼低
終日垂簾愁獨坐
隔窗遙聽雨鳩啼

喜晴

漠漠輕烟鎖柳堤
池塘深草碧萋萋
茶蘼帶濕香猶淺
芍藥凝寒花未齊
試採奔蜂窺樹隙
學飛新燕語簾低

晴窗添得多詩思乍動微吟鳥亂啼

李馥玉

字復香韞玉之妹適華亭諸生徐同叔工詩畫

尤精駢體著有沁園集紅餘小草

小粉場雜識李馥玉字復香華亭諸生徐畝室
工詩畫駢麗之文嫁時年十六今年二十以自
寫小照囑葉退人中翰題云瑤臺綺靡嬋娟蛾
眉曼睩嫣然家在百花洲上門臨香水溪邊游
藝工詩工畫讀書希聖希賢直是班昭再世奚
止羅敷少年其所著沁園集中採蓮歌一首最
工少字雖嫌出韻無損其佳
也姊韞玉適周氏亦工詩
墨香居畫識李馥玉字復香吳門人歸郡人徐
同叔寫花鳥甚工雅並善吟詠著有沁園詩鈔
其姊馥玉為周氏次室
亦工畫而稍遜於妹

見山樓墨話閨秀李馥玉能詩筆氣流麗絕不
類女郎又有秋雨賦頗佳漫錄于此其詞曰景
逢秋夜靜稱閒居蘭閨閨寂蓮漏紆徐於是四
香居士方燕龍涎之繚繞品鳳餅之清虛縹緲
千帙涉獵三餘忽焉雲翻墨浪風駛靈車飄落
葉於露井聽折葦於芙蓉雨瀟瀟而驟至溜點
點而非踈黯兮淒涼動歐陽之嘆息悲哉蕭瑟
添宋王之歎歔爾其色暗幽房涼侵高廡和檐
鳥以齊鳴撼流蘇以亂舞燈暖昧而不明兮綺
寮集夫萬弩爐煙沒而不香兮搖琴張而疇鼓
竹縱縱以搖蕩兮松濤吼而如怒鴈哀哀以羣
過兮蛩聲咽而難吐水簾冷而不安兮攢秋氣
於肺腑思往事之歡娛兮倏駒騁以如古得護
草兮無以舒其懷結丁香兮未足喻其苦夫焉
能不蒿目於淒風焦思於零雨是蓋遇緣境改
念逐時殊大家隨征仰朔風而心喟長門望幸
湖皓月而形枯響徹檐牙莫禁湘妃之淚寒生
翠幄還生息女之吁聽淋淋兮腸欲斷流娟娟
兮愁與俱草木忽其歷亂兮憶遼西而願祖衾
枕覺其孤單兮夢岱北而驚呼彼淒其之所觸

兮何問玉杯與金壺視前世而皆然兮豈余今
 之獨向隅念離別兮馳百里望家鄉兮隔三吳
 神悅悅兮拋綵線意遲遲兮據槁梧若乃露凋
 巫峽客况無聊楓落吳江旅懷如怒絃推窈窕
 之箏曲弄關山之笛高峯迢遞嵐滾滾以搖杉
 遠水蒼茫霧漫漫以翻荻雲迷秦嶺兮馬首不
 前波渺洞庭兮扁舟奚適守篝火兮無眠叩蓬
 窗兮長寂感勞生兮何休傾淚珠兮如滴嗟濃
 陰之接地仍密注以巨空聲淙淙以競瀉勢曠
 漭以交訐丹桂飄殘譜出淋鈴之曲秋蟲吟苦
 停來絡緯之工嫋嫋竹竿堪鼓白頭于膝上蕭
 蕭蘆岸宛聆轉軸於舟中警羅袂之新涼兮何
 滂潦之無窮鬱子懷之莫開兮蜷局處乎簾櫳
 將超世以離俗兮邈閨風與板桐寄幽情於斑
 管兮附寸箋于長風庶天公之
 愍此下人兮勅募收而破冥濛
 王永祺紅餘小艸序畧謂詩必學而後能乎則
 文人學士宜無不能詩而卒不必盡以詩見長
 也謂不學可能乎則詩必錯比興融情景傳聲
 律以燦然而成章問律非易居然可知是則不

學可能與學而後能豈各為一說了不相通哉
 大抵天性能詩則學焉愈工其非然者反是古
 來論詩之家標立宗旨雖遇前人流傳傑構可
 否無所違歎不甚求備於閨閣之作即如竟陵
 鍾氏名媛詩歸一選蕭蘭無辨玉石不分殊不
 類平日之持論何也得毋以詩出閨閣自難求
 備不欲糾繩太過以揜其不數見之美歟讀復
 香徐夫人思清韻雅格峻神閑如青松在壑掩
 映可愛挹其芳華鮮不激賞流連而吸風飲露
 攬茹佩芷之神情自可想見於烟墨毫素之表
 有不敢以尋常女士相品目者若乃五七言外
 賦篇儷語亦復一一出入風雅唾納珠玉吾因
 以知其學焉愈工者由天特賦以含宮咀商之
 能事非性所弗近而強以為之也灼灼明矣

採蓮歌

乘風香泛若耶溪貪採紅芳濕短衣約畧梳頭顫金釧
 翠鈿斜驪綠雲低輕橈欵欵衝遙渚爭度新歌還笑語

驚起鴛鴦去不回花深葉密無尋處回身忽折並頭枝
殷殷如對六郎時自咲情絲絲似藕纏綿無盡獨心知
今年採花花同好來年花好妾應老花到來年花再開
妾老來年不再少舉棹歸來欲暮天對花脉脉傷懷抱

新秋夜雨

繡閣人初靜淒其雨不休
牕紗飄浙浙砌葉響颼颼
涼入燈花暈宵添簟竹秋
漏聲相斷續取次動閒愁

賦得花脚野蚊撩亂飛

次韻

暑氣蒸林野么麼布陣多
草叢潛結侶水國密成窠
雨外攢堤蓼風前隱壁蘿
翼輕紗細剪嘴利劍新磨
攘攘羣相逐嚶嚶畧似歌
排頭貪飲血跂脚解穿羅
下上無時定東西幾處過
頻思遊竹幄不肯歇蓬科
詞客難開卷閨人欲罷梭
坐衣花掩映嗜體粟摩挲
詎善消醒病偏能遣睡魔
霧紛迷野馬市罷上姮娥
似蟻屯長岸如蜂擾曲阿
紅櫻看腹綻白鳥辨名訛
惕志曾聞猛含譏好繼坡
揮之殊不去松塵奈勞何

秋日雜感次韻

深深庭院絕塵囂寶瑟閒調不自聊
碧砌蛩寒聲漸咽金爐鳧冷篆初消
忘憂久擬栽葑草耽病還思種藥苗
不信添來多逸興悲秋詩句特相饒

秋夜有感

梧葉飄殘暑氣平閒庭蕭瑟弄秋聲涼侵翠幙更初永
露洗花階月倍明長笛誰家驚好夢踈砧何處搗鄉情
生憎一一淒涼况偏逐深窻夜坐生

製裙有成

抱剪思殷殷腰圍減舊裙昨將梅比並還瘦兩三分

新月

虛弓絃未上光淡曲如鉤試捲筠簾望織眉相對愁

絡緯次陳夫人韻

絡緯蕭蕭織月明終宵半縷却無成殷勤不及蜘蛛意

牽就璇璣不出聲

汪蕙

字蘭英號雪牕女史浙江海寧州人適諸生許

良謨著有斗室遺草

汪鍾曰三姊幼嫻文義於女訓內則孝經小學
諸書無不通了旁及史傳碑乘悉具精蘊針紉
暇卽與弟輩角碁拈對以爲諧謔年二十二歸
姊夫許雯菑姊夫才名噪鷄林詩宗有宋蘇陸
及本朝六家也吾姊慧心所格默爲熏染遂能
吟咏所居小樓三楹垂繡簾燕名香清几淨案
呼婢研墨舒箋以消受閒中光景真韻事也積
而成帙借姊以詩非女士所宜秘不示人遂致
泯沒不傳也閱四年以羸疾卒姊夫憫焉檢其
入格者數首載入花溪志中甲辰之春嘗感之
詩云吳綾剪就漾輕紗陌上閒歌五度花憂恨
一簾傷往事殘書零亂寫琵琶蓋紀寔也二姊

名巧尤慧而工書亦
早世詩軼不傳云

與諸弟鬪碁偶作

吾生無適意愛此春光暖呼婢拂楸枰
篋匣子中滿消閒會
有時遣興每憑算子來我則往我強子則悍
二人本同心勝負各毋緩勝如鯨虎吞負為鳥獸
散聊以兵家事一警閨中嬾弟輩爾何爭偏各生憤懣

詠鏡

一片圓靈望影微空明長似月臨帷清光不照人間事
而况心中間是非

夜坐

瀟瀟寒雨到窗紗閒撥紅爐自煮茶小婢不知懷遠信
漫憑詩硯弄燈花

吳正肅

字靜嫺號僑楊女史江蘇江都縣人善畫適歙縣黃履岳著有集

吳珏題豐溪女史吳正肅秋山讀書圖詩滿林
黃葉翳柴關遙見林端一角山合着伯鸞居此
地蘆簾長對孟光閒歸去無嫌挽鹿車牽蘿補
屋稱幽居秋深夜色涼如水自蒸名香讀異書
舊識吾宗女畫師墨痕蕭瑟自矜奇
十年為寫西冷隱應笑羈人一舸遲

燈下看白菊和外韻

亦是延年種能將玉勝金喜從燈下看宜向月中尋傲

乃成貞骨香能愜素心亭亭清白影相對坐更深

夏日泛舟平山堂賦呈夫子

竹樹樓臺繞蜀岡南薰吹送滿遊航昔年縱目思慈訓
此日淒懷失義方

余歸君家廿餘年未嘗遊湖惟翠華三幸日侍奉先姑曾一歷覽焉

隱隱山光橫翠黛田田荷葉擁紅妝歸來賴有消愁法
兒女燈前絮語長

題畫

垂柳沿溪合復分重重樓閣礙歸雲結廬水複山迴處
飽看朝嵐與夕曛

泉聲隔岸響潺潺秋樹蕭疎水閣閒喜有素心乘興至
扁舟同看夕陽山

花正敷榮柳裊絲春風淡淡水漪漪扁舟載酒尋詩客
為愛谿山返棹遲

周澧蘭

字素芳江蘇長洲縣人西寧縣知縣周兆熊女
適同邑李大楨善書能詩潘農部奕雋之詩弟
子也著有浣雲樓詩草

待月

待月臨書幌涼風拂素襟不知滄海遠翻訝白雲深小
院桐陰薄銅壺漏滴深試看懸玉宇還勝夜珠臨

芭蕉扇

宮樣輕羅舊著名何如一葉晚風清似嫌朱戶繁華習
故學蓬門樸素情種處自緣風露冷裁來還共月華盈
只愁燭燼香殘後減却西窗夜雨聲

春遲

青帝無心逐暖回淒風特地送愁來似憐紅紫飄零恨
不遣繁華爛熳開蝶夢經寒迷碧草花光和雨鎖瑤臺
烟波易動離人思短笛誰家奏落梅

病起

斗室垂簾日影遲藥鑪烟裊細如絲病來妨却看花眼
開盡棠梨總不知
梨花風雨水潺潺爲怯餘寒日閉關且喜小窗清晝永
半酬詩債半酬閒

摘芳集卷之五十目錄

才媛詩

古歙訶菴汪啟淑選

梅芬 四首

方婉儀 六首

郭芳 五首

張淑貞 一首

劉氏 二首

楊瓊仙 一首

吳氏 四首

邢順德 六首

歸宜 一首

應學韞 二首

汪亮 十首

李潮音 一首

彭貞隱 一首

嚴氏 句

陳九蕙 一首

孟重光 一首

呂氏 四首

徐蕙田 一首

鄒筠碧 一首

方壽 四首

沈持玉 四首

李心蕙 一首

擷芳集卷之五十

古歛訥菴汪啟淑選

梅芬

字素娟號雪香江蘇吳江縣人適同邑明經陳

自煥著有綠筠軒詩草

周慎綠筠軒詩草序略綠筠軒遺詩吾友家修
陳先生淑配梅孺人所作古來才媛類工吟咏
竊謂有意于工而工焉者不若無意於工者其
工為獨至思以文章擅名則又病其才多今讀
梅孺人詩不禁展卷而三嘆也方其相夫起家
親操井臼適然感觸灑翰成章初非有意于詩
之工者而工乃若是且又深自韜晦以子與先
生少同里閨辱為忘年交予從兄暎山歲時往
來雅聞孺人好讀書能詩而三四年來未嘗
獲睹隻字迨今孺人歿已踰年然後得見是集

餘于才而蓄之以德視彼沾沾挾其所長而惟
 恐人莫已知者相去懸絕孺人之賢且才早歲作嬪君子琴瑟
 也己夫以孺人之賢且才早歲作嬪君子琴瑟
 靜好宜多鷄鳴昧旦之篇而不自珍惜中年後
 情傷手足愁苦之詞倍于懽娛之作邇歲連喪
 伯仲兩才子點筆蘸墨莫非淚枯腸斷之音孺
 人竟以此損年僅得中壽豈真詩能窮人有後
 世之傳者不盡享生前之福耶以予為通家世
 好屬為題引予既重孺人之賢又感令子之孝
 不揣固陋謹書末簡呈於家修先生亦欲稍解
 安仁悼亡
 之戚云爾

陳毓秀梅孺人行略先妣孺人姓梅氏名芬字
 素娟號雪香國學生思哉公諱璠次女也少聰
 慧讀書明大義工詩律時電揚辰章兩舅氏學
 舉業延先王父息存公于家王父口授經義孺
 人數從舅氏叩所聞間有質問輒出意表王父
 聞而異之為吾父結婚焉及來歸貴裝豐厚孺
 人弗以自矜攜書數百帙示吾父曰吾所好在
 此耳先王父早衰多疾先繼王母目疾久不愈

中年後竟失明孺人敬事舅姑承顏順志曲盡
 婦道有瘠田半頃奉菽水常恐不給時時鬻畜
 資以佐朝夕吾父以是稍紓內顧憂容授于外
 者二十年凡家事悉委孺人向明而起井臼親
 操助力者惟一爨婢時伯兄尚幼仲兄僅襁褓
 仰事俯育辛勤萬狀而勞肆如故也先後遭舅
 姑之喪哀敬襄事心力交瘁在室時遭母喪哀
 毀骨立于歸後孝不衰于事父生平時待人厚而
 自奉薄飲食粗糲衣服壞敝有為孺人勸者曰
 一身得飽煖幸矣當為兒孫惜福親族有不給
 恒脫簪珥贈之愛不孝兄弟未嘗手加撻責每
 日自塾中出問先生所授講義若何有未會輒
 細為剖悉家務稍暇博涉詩書丹黃甲乙不釋
 手所著詩詞虞山見復夫子謂可傳世選訂序
 之孺人因操作過勞致肝疾丁卯夏仲兄毓德
 亡鬱鬱不樂疾更劇又二年伯兄毓賢暨伯嫂
 踵歿孺人淚枯腸斷幾不起不孝百計醫禱稍
 間然而形神益槁矣夏五秀倅列弟子員秋試
 以孺人病不欲往孺人曰汝得一衿遽自足耶
 兩兄發憤力學俱未獲報天或厚汝未可知宜

及時上進家大人亦命行乃不得已就道試畢
造歸孺人喜兒早還自言病如前無大害詎意
越兩日驟不起以吾父歲貢授訓導
待贈孺人著綠筠軒詩稿若干卷

春暮偶成

門掩春深候池塘日影斜魚浮還滌視鶴睡更烹茶教
婢扶新竹呼童掃落花晚來無箇事獨坐數歸鴉

觀蓮節龐山湖賞荷并觀競渡

一片清波鬪鏡光飛鳧輕泛往來忙旌旗欲掩紅蕖色
蘭麝分和雪藕香畫舫笙歌遊子醉棠舟羅綺美人妝
却憐此日湘江畔可有行人奠一觴

王明君

瓊廬風景異中華彈徹琵琶滿面沙舊日紅顏消落盡
單于猶道妾如花

喜晴

雨收雲散日穿簾牆外梅花影更纖徐步未愁香徑滑
苔痕不覺濕鞋尖

方婉儀

號白蓮居士安徽歙縣人聯墅方石村宗伯之
孫女也善畫梅竹蘭花適江都羅聘著有學陸

集白蓮半格詩

羅聘白蓮半格詩序閩中人方氏婉儀字曰白
蓮幼承家學即工半格詩及歸于室舉案之暇

一切綺語屏而不為梁間燕子簾額游絲亦未嘗作綠牕兒女之言寫入毫素也時觀余畫寒天梅竹從視旁指畫頗通逸趣一枝半葉便能點染墨池有出塵之想春秋佳日清盥而起粉奩脂盒乃復鄙夷不事同里許

太夫人亦目之為女弟子云

太史杭世駿題白蓮女史詩每疑咏絮無全什

又怪簪花少畫名親見夫人擅三絕居然不懶

一書生欲賦梅花大欠詩何圖林下有風期不

知雪腕親濡筆瘦影疎香寫幾枝淨業修從九

品臺八功德水養根芟與參妙法蓮花義合有

清涼世界開瘦格烏絲小筆森更欽新製唱仙

音若教唐韻開軒寫一字應輸一餅金詩參三

昧畫通神玉雪羅郎迥絕塵不是月泉吟社客

如何修到

比肩人

沈大成雨中遇朱草詩舟次方婉儀韻詩短筇

倚壁即呼茶急雨衝衢水沒車自媿衰年空學

佛無能樹意說蓮華搏土烝沙漫作型老猶為

客誤浮名眾流截斷無宅屬香到梅花始是清

記得

金農題白蓮半格詩謝家才女誇門第嫁得王
郎好夫婿不但能詩咏絮絮工能畫能書妍且麗
七言巧和水鏡歌時塗雲母春梅多紅絲小視
簪花筆一螺豈屑抽雙蛾今年六月是生辰蓮
塘激灩華精神無滓無塵
清可比風裳水珮證前身

記得當時攏髻年春宵坐月百花前謝家小妹王家姊
手弄窺牕白玉錢

題馬守貞雙鈎蘭花卷

楚畹幽蘭冠眾芳雙鈎畫法異尋常國香零落空流賞

太息金陵馬四娘

期諸姊姒茶話

舊家門巷草新生歲歲春風不世情已辦月團三百片
好來同聽煮茶聲

生日偶吟

平簾疎簾小閣晴朝來池畔最關情
清清不染淤泥水
我與荷花同日生

梅摹魏國夫人畫字傲楊家妹子書
一盞真茶消永晝
玉漿犀液較何如

次韻題明妃圖

塚畔青青草色稠芳名史冊著千秋
畫師若把黃金囑
老守長門到白頭

句

花香窻隔度蜂針

桃花水胖鰕魚頭

茶苦泉渾嗔婢嬾

鼠婦窺燈碎玉蟲

方婉儀學陸集跋閩中無事素愛吟咏多半格體
而嬾於律兩峯與子有聯句詩鈔一卷專務對仗
嚴整新巧亦微放翁所作蓋誘余學律也今不知
其稿遺置何所所可記者如草長門荒煩燕剪兩
峯花香窻隔度蜂針白蓮又如楊柳風尖蠻鳥舌
雨峯桃花水胖鰕魚頭白蓮又如茶苦泉渾嗔婢
嬾白蓮詩緣韻險笑妻分兩峯又如狸奴翻瓦探
檐鵲兩峯鼠婦窺燈碎玉蟲白蓮惜全首皆不復
耳記憶

郭芳

字素媛浙江仁和縣人適司馬胡筠亭著有澹

真遺詩

章鑣胡母郭宜人傳略同年郡司馬公天都胡
筠亭先生宰竟陵十年入覲歸來喪其良匹郭
宜人子頃自宜人喪前喏太夫人太夫人誦之
矣出與乃季語乃季又誦之矣則節略有不脛
而得於其家者并以補之宜人姓郭氏能語授
毛詩稍長讀女論語女孝經女誠凡女訓女鑒
女箴女記內訓娣姒訓以至女則要錄貞潔記
貞順志皆規鈇義類靡不宣暢而性嗜學問遂
及史子古籍資其蘊藉尤精通鑑其歸司馬司
馬故儒素躬操作常以鍼工助家匱乏夜一缸
膏左則卷籍縱橫右則刀尺金縷交錯旁設茗
爐每讀倦繡殘從容論古間發疑義交有啟益
已而司馬補博士登賢書宜人不自暇逸逮夫
司鐸嶺榆庭椿已謝太夫人意贈公而悲司馬
泣祿不逮養百求所以奉老人者而太夫人素
怖雷中夜霆發宜人亟起秉燭呼寢門曰婦來
侍姑入則摩挲按抑太夫人寢酣輕步以出至
今太夫人曰吾亦知渠疾不可救勉自節哀顧

念此事輒中宵酸鼻宜人艱於子乃密求莊靜
女子拓旁室而舍之因得浩則如君龔所出也
嘗苦痘毒宜人寘諸懷旬日未嘗釋衣交曉而
浩始安司馬曰是兒直母腹生之也蓋感之深
矣幸得瘡疾以隕無大小皆慟絕宜人工詩顧
不肯輕作鮮或見者今司馬集殘紙尚得百餘
首並見和平

莊雅一斑云

程體彰澹真遺詩跋略右詩邑侯陞郡司馬胡
筠亭夫子德配郭宜人所著也夫子以彰辱在
門下招入衙齋為世兄江指授句讀者兩年謂
彰知母生平最悉爰授讀之竊念母之懿行傳
中紀載已詳彰謹復述其卓卓者母德本宜男
慳於天賦樊女薦賢切切為夫子言不已夫子
篤於伉儷不忍也卒獲薦龔孺人生浩母大喜
副所願然浩危於痘母護救之幾與俱殞卒以
得全捧誦遺詩字字剩馥零瑤
宜其為夫子所寶惜而登之也

螢火

薄暮度簾櫳西飛又復東竹深光閃爍月淡影朦朧破
壁難爲用投囊暗助功待看天欲曙星在有無中

讀武侯傳

南陽三顧識賢臣數載功成漢室尊一片孤忠齊日月
兩師遺表在乾坤祁山遺恨難吞魏瀘水多謀自定番
天意亡劉非可挽故教管樂不長存

新柳

濃于烟草淡于金濯濯丰姿嬾嬾陰乍茁可方眉黛淺
未長已恨別離深風來東面須春轉月到梢頭覺夜沉
惆悵吳宮千萬樹亂鴉疎雨正難禁

七夕

蟋蟀階前報早秋暮蟬頻噪柳梢頭清風滿院來三徑
明月當牕尚一鉤直笑齊諧傳度鵲可曾漢使問牽牛
神仙若也傷離別塵世如何得解愁

落花夜憶亡姊

無限傷心意未休強將詩句解閒愁如何昨夜東風急
斷送殘紅逐水流

張淑貞

四川銅梁縣人適吳縣庚午孝廉吳翀

寄外次韻

中歲功名似酒闌憐君何作少年看春風鳳管雙吹好
秋雨牛衣對泣難棄路頻年嫌李苦和羹有日要梅酸
底須千里勞鄉夢爲報荆妻並竹安

劉氏

遼陽人淮徐觀察劉廷璣之女適鹽分司張涵

秋夜迴文

傷心獨月伴庭前句痛題哀悲展箋腸斷日空書咄咄
黛顰時集恨綿綿香殘怨思秋生倦燭盡愁深夜懶眠
粧卸喚催嗔婢劣黃花對語不儂憐

句

八口相依惟五斗一身須念重千鈞室中休訝如鳩婦

門外從無題鳳人

劉靖片刻餘閒集從姊適張門者先伯觀察公第
三女也幼隨觀察讀書袁浦署中稍長工詩賦才
思清麗有父風詩不多見雍正癸卯夏予晤姊丈
張淵度於袁浦淵度時爲淮安鹽運分司以公務
往來淮徐道上病卧舟中適接姊所寄家書併七
律一首出以示予猶記中二聯云云後二十餘年
予官畿東與從姪永鑑時相見蓋姊之胞姪也每
談及姊生平諸詩永鑑偶於故帙中檢得秋夜迴
文詩一首云云此乃
痛觀察公所作也

楊瓊仙

詩見谷音傳響

次韻題明妃圖

百戰樓蘭白骨稠烽烟未斷漢家秋和親免得邊陲釁
甘抱檀槽赴隴頭

吳氏

字繡硯安徽歙縣人翼堂吳太史之女弟也適

同邑易田洪封君琰著有蕙孺小草等集

吳華孫洪母吳恭人墓誌余甥洪梧奉父命葬
母於里之鳳形山下有日矣來乞銘余泣然曰
吾何忍銘吾妹耶梧固請曰知母莫如舅乃含
淚而為之誌恭人吳氏系出先司徒公後為五
世孫女贈資政大夫通政使司通政使竹齋府
君之第三女也先公晚年始生先妣程太夫人
鍾愛篤年十二先公失怙越數載余奉慈命為相攸
洪源又二年余在史館請假遣嫁爰適太學生
今封中憲大夫洪君琰此兩姓之好所由始也
恭人福相端重面如滿月幼習詩禮兼通文藝

與姪綬詔恩詔同塾其歸洪氏也洪故巨族闔
門數百口鐘鳴鼎食恭人以謙儉在其間雍雍
如也太公太母治家嚴每旦子婦請問起居恭
人聞啟戶聲趨而入常先諸姑姒娣重闈相謂
曰真讀書人家女子其稱譽如此嗣是而後身
任家政於兩世舅姑喪盡其哀祭盡其禮親實
庶務任其勞曩稱賢內助者更稱賢母也世俗
相矜財利子弟多令習賈洪氏科名仕宦本不
絕聲恭人在室即聞諸父兄庭誨羨慕之先後
舉三子俱穎慧恭人毅然擔負以教子為己任
相夫子課讀冬不爐夏不扇人謂洪氏子在塾
讀書有已時在家讀書無已時蓋實錄也不數
年間所生三子咸以奇才異能召試大科發
軻薇省既而伯子成進士督學江漢典試湖湘
其既也任秋官擢臺省洪氏駿駿光顯於時皆
由恭人之能教其子以親見其成也不寧惟是
世家大族得才子難得賢子尤難伯子為人耿
介嚴氣正性出守畿郡劾罷墨吏震動朝野仲
子溫良和厚譽流鄉黨雖未就職公輔之望
伯仲隕逝士人傷之季子才名更越兩兄有獨

肩急難之誼上塞歸來佐尊人負土葬其高曾
以三四世于旬月之間能人所不能可謂偉男
子矣恭人生於雍正癸卯二月二十一日歿於
乾隆甲辰五月五日年六十有三初封宜人
晉封恭人恭人所生子朴乾隆辛卯科進士
榜梧俱召試中書樞密兼軍機處行走子婦三
人一侯補道程公天健女一兵部職方司郎中
汪公啟淑女一封太僕卿江公長進女子四
人徐士義閔道恂方椿其婿也一字朱光達未
嫁孫二人方回榜出昭回朴出孫女一人皆幼
昭回生母吳氏能
教子例得備書
農隙筆談同邑親家易田洪國學琰詩筆高古
然不耐場屋困經歲村居生三子咸穎慧夫人
吳繡視乃吳太史華孫胞妹詩亦雋永遇花辰
月夕家庭角韻極天倫之樂人艷稱焉子已習
聞今年冬與子既訂朱陳之好易田因見貽其
夫人詩一冊各體皆工而晚春及贈兄翼堂太
史納姬三章更俊麗可誦故
錄於此全稿名蕙櫛小草

古硯歌

谿訝巨壑態百變清溪峭壁垂飛練霧含露洗日月胎
鍾孕千秋生寶硯血痕豈是秦皇鞭彩色曾由女媧鍊
幾時得受師涓知神工鬼斧開生面田田蓮葉散青霞
淡淡松花滴瓊霰棗心椒白各擅名尤物非常幾曾見
嵌凸熒熒鸚鵡睛星芒亂射如流箭雙蚪隱隱起當中
時騰風雨盤空戰我聞墨水浸黃丸奇珍貢入唐王殿
陶公好事剖魚死剝損至寶驚雷電誰留此石福文人
玉質金光莫矜銜摩抄倘使神龍知挾去天東化雲片

晚春偶興

無塵草色接湖湄幾片殘花帶雨飛蝴蝶有聲啼不出
杜鵑枝上夢應稀

三分芍藥望朝晴絮聒留春百轉鶯疎雨送花多繾綣
斷雲量月費經營

贈翼堂太史兄納姬

梅多秀韻竹多風憶昔聯吟畫閣東今夕月邊聽唱和
愛他小鳳倚高桐

邢順德

字蘭圃行四
縣人邢普田之女也適同邑
康太學魯瞻著有蘭圃遺稿

邢普田蘭圃小傳略余女名順德字曰蘭圃行
四天性孝謹先大人尤鍾愛之因名之曰順德
時以官閑多暇日課諸女孫讀自女誠小學四
書毛詩外旁及子史諸書諸女孫亦時請業焉
而順德尤酷嗜吟咏先君子見而奇之曰詞意
閒雅能得唐人瓣香其殆學女學士乎然讀書
以明理涵養性情之助男女當不異也迨先君
見背余偕弟及諸女侍先慈於家日佐其母周
旋于茶鐺金竈間稍閒則理女紅而讀書吟咏
不少輟也及笄歸于邑太學生魯瞻君頗知
敬順又善事其孀姑佐其夫葬四世之喪暨叔
姑婚嫁諸事生二子一女俱幼體素清羸又遞
遭大故廢寢廢食以故四肢虛腫痊而又作猶
力疾賦絕命詞三首其一謝子夫婦其二則別
其夫君魯
瞻者也

李基圻蘭圃遺稿序邢氏甥女第四者名順德
字曰蘭圃余胞姊所出也蚤負夙惠尤喜騷雅
祖靜園公授以古詩及選唐諸編一日舉能了
悟自是刺繡之餘形爲吟咏如初日芙蓉風致

絕佳余嘗覽其華清宮長門怨及歸鴈蟋蟀諸
作清思遠韻饒有唐人遺意然工于詩而不欲
以詩名嘗曰閨閣中以韻語外播非所宜也余
每嘉其遠見卓然拔俗及笄歸余康甥魯瞻伉
儷甚相得繇是相夫子事孀姑代理內政又數
年遞遭大故勞憊日深然伏枕之餘時復寫意
以自遣故生平所作于詩尤多當彌留之際猶
力疾賦絕命詞三首以謝父母及其夫君情至
之語令人不忍卒讀嗚呼居平孝謹婉順故其
詩皆有真性情流貫于中非同拾人牙慧者之
所爲也

賦得好句有情憐皓月

皎皎蟾光滿秋暉萬里同梅花來遠笛桂子落香風林
靜烏啼夜山深鶴唳空徘徊情不盡詩思渺無窮

下絃

依稀昨夜月形魄不相同誰使如梭影胡然躍碧空微
離滄海上漸轉小樓東帝女分鸞鏡嫦娥掩兔宮殘雲
猶靄靄香霧尚濛濛莫惜憑欄望良宵未易逢

隋堤春柳

隋隄春暖柳參差嬈娜東風未定時嫩色曾添梁苑恨
輕煙淡掃漢宮眉影侵流水空搖曳花落浮萍任轉移
多少黃鸝終日語應憐故國動愁思

慰夫君

生死人常理無勞過自悲試觀天地化榮謝本相推

歸鴈

一聲嘹唳下芳洲
水色天光萬里浮
澄練依稀留篆影
蕭蕭飛過洞庭秋

中秋

碧天無際月當空
秋色平分此夜中
姊姊異鄉同一照
音書杳杳滯歸鴻

歸宜

詩見谷音傳響

次韻題明妃圖

冷落昭陽怨思稠
婕妤團扇亦傷秋
憐卿拋擲單于壘
猶得班行踞上頭

應學韞

字珏樓號蒿軒浙江仁和縣人適同邑
穆堂以夫貴封孺人著有自娛草

遣興

木落長空鴈字飛
小樓獨坐思依依
香銷金鴨蠻烟冷
翠鎖朱門好夢稀
萬里關山千古恨
五更風雨一燈微
原頭衰草連天白
目斷遙天淚滿衣

蟲語

三徑蕭條碧草生
秋來添得碎蟲鳴
淒淒切切渾如訴
說盡人間冷煖情

汪亮

字映輝號采芝山人安徽休寧縣人僑居浙江
桐鄉縣善書畫工琴棋適費秀才南喬杜門著
書璇閨倡和以為樂著有

集

國朝畫徵錄汪亮字映輝號采芝山人柯庭孫
女幼喪父聰穎好學多藝能留心典籍善詩尤
好六法私淑清輝老人輕雋秀潤設色淡雅其
一種清逸之致頗覺出塵自得適吳興費氏今

移家
嘉興

金粟逸人逸事甲申冬大雪逸人過秀州遇故
家子披敝絮縮項袖手蹒跚道上攜古法帖數
十種求售逸人憐之欲應而囊已空矣乃招之
同往典中脫羊裘質錢不足躊躇間遇費秀才
兩坪急止之歸述於采芝山
人山人出釵環典金以佐

次韻錢香樹司寇對弈詩

錢鏗商柱史可企不可見射潮頌武肅狂瀾一手援彭
城苗裔賢清望領六館側聞母訓嚴郝鍾世所羨傳經
復敦詩朝野仰韋幔紅餘寄繪事妙筆誰能先亮也樗
散材守拙任天分行踪鵠繞簷生計蟻施陣近遂卜築
心俗情不教恩衡門樂太平匪曰耽嘉遯展卷大樹陰
清涼遠塵坌先生臯夔侶養疴類閒散晚棲履道坊舊
侍玉皇案烟霞酒興濃冰雪詩腸浣偶為名勝遊春蚓
題痕遍嗜好殊酸鹹卷軸足珍玩摳趨賜杖旁精力喜
強健敬聽玉屑霏如珠一一穿遣興捲疎簾手談助茗

戰彈琴或遇鍾抱璞無嗟卞丁丁落子時金井互變換
談笑解重圍清風冷然善兩局較盈絀微茫止爭半轉
憶王積薪聞響再覲面葵榴照眼明活水茶鎗煎對景
發豪吟午橋日未旰啟筵揚仁風墨華雲錦爛

香樹錢司寇與采芝山人對弈詩昔登太華峯玉
女不可見中道訪衛博崖谷絕攀援側耳仰雲中
棋聲閉仙館謂當松下逢招手揖佺羨倦來坐幽
磴假寐攬霞幔空際聞落子姑婦各爭先自慚頭
鈍根小數且無分一從病免歸寄輿時布陣逃暑
避橋中外喧更何恩茲豈可藏身聊以托肥遯家
累仍攬寧塵事况相空山人名家女幽秉慕蕭散
結廬枕春波耽隱莊鴻案學畫師僧繇俗派多盡
浣愛讀老夫詩朗誦日幾遍願執弟子禮稍稍贄
文玩兩拜列後堂談鋒亦雅健試以架上書答問
頗貫穿幼女拂楸枰對局請一戰吾衰猶技癢旣
駛復躁卞山人不假思隨勢自轉換雙鬟報局終

神色有餘善一再互勝負輸子各相半因之記昔
遊垂老始此百時節畫方永輕風散甲煎斂容爲
推枰牕前日未旰翻笑
采樵人手中柯已爛

夏柳次韻

南陸風輕裊綠絲含烟帶月儘堪思高枝落照蟬吟促
曲院移陰駒隙馳營際軍閒消永晝陌頭婦嘆憶芳時
炎光不減王恭韻猶繼春來濯濯姿

胥山八詠

歷覽興衰感慨多胥山好景費吟哦疎枝睨皖吹香雪
似效吳宮舊日歌

梅園鶯囀

敲殘百八見瞳矐記得淵明訪遠公不悟攢眉歸去意

那知寄傲上人風

德院晨鐘

漠漠烟村晒網時
漁家聚族任棲遲
英雄若解逃名趣

不獨扁舟有子皮

晉江漁泊

延平躍去漫徘徊
轉憶當年智勇才
蒼翠無言長日月

空留巨石護莓苔

苔封劍石

離離樹色晚風涼
雲斷岡巒透夕陽
剩有詩人遺世意

緩吟隨影到山莊

東巖夕照

一抹寒雲淡欲無
長林瑟瑟點青膚
歸鴉自覺棲枝穩

不似驚鴻宿渚蘆

古木歸鴉

長堤渺渺暮烟生
雲漏清光月漸明
古渡飄然浮小艇

劃波搖曳櫂枝輕

山塘晚渡

高懸皓魄照菩提
境是蓮臺不染泥
安得觀心常似月

生生莫使俗塵迷

蓮臺夜月

李潮音

詩見谷音傳響

次韻題明妃圖

心薄羣姬賄賂稠
圖成便是別離秋
須知賈禍都由命
不爲無錢潤筆頭

彭貞隱

字鍊君浙江平湖縣人陸文學垣之室也

汪氏雙節詩

覆以雙鸞翼
雛成鍛羽翰
流黃中婦織
麥飯少君搏
茶

嚴氏

江蘇常熟縣人也

句

一庭紅雨送春歸

佳句費推敲

無心坐杏壇

柳南隨筆康熙間吾邑崑城湖之濱有塾師某者聚徒於家好出句命對一徒於暮春來從師即出

句云四野綠陰迎夏至徒惜然次早就塾對云一庭紅雨送春歸知其倩筆詰所自來云吾姊也詢其年及笄矣紅餘輟觀書作字無間寒暑師云效爾姊用功自善屬對勉之勉之是晚散館復出句云好書勤誦讀次早對云佳句費推敲師不識其誦已擊賞不置翼日鄰友招師看桃花欲攜對句以無心坐杏壇師欣然攜往鄰客有黠者見之匿笑師察其故大恚誓不復命對事遂絕女姓嚴氏貌殊嫵麗後以所字匪人鬱鬱病瘵未嫁而卒父本賈人不知書女歿後著作悉歸埃化女所居近汲古閣汲古主人毛惠公氏為吾友汪西京沈琇述之西京曾悼以四絕句次章結云單辭隻句空千古不雜人間梨棗香末章結云此去九泉求雅伴精魂好傍白雲飛白雲者謂江上女子洪夢梨洪亦工詩蓋嘗自署為白雲道人云

陳九蕙

字素心浙江桐鄉縣人

采菱歌次韻

會過南湖畫槳浮
花開花落幾番秋
年年溪女依然采

可借風光一轉頭

孟重光

詩見谷音傳響

次韻題明妃圖

披撥琵琶苦調稠
潯陽江上荻花秋
何如當日明妃怨

萬里淒淒馬上頭

呂氏

名仲嫺江蘇武進縣人適明府錢維喬著有靜

涵賸稿

錢維喬呂孺人行略孺人姓呂氏世為毘陵望族父太學生諱如岡母莊孺人年二十有四歸維喬為繼室時先府君鑄菴公先母吳太夫人俱衰病子婦惟孺人侍左右歲壬辰維喬以公車留日下府君遽捐館舍孺人調藥餌視歛祔哀禮兼盡太夫人躡傷足艱于臥起孺人每奉械窬與牀平乃得溲下西維喬捧檄越中迎太夫人至寓就養太夫人歿附身附棺孺人靡弗躬親維喬見孺人之事太夫人于節終如是知其事府君亦然彌自媿也先妻汪孺人亡後遺一子中鈞甫七歲一女甫五歲俱善病維喬每歲飢驅出門家無長物孺人撫字之甚周以貧不能延師遣中鈞就莊氏塾雨夜偶暴寒脫所著絮襖篝燈改為童子服視牕色明亟遣老僕持付乃就枕女患瘡劇幾喪明孺人自舐之女得無恙故子女之事孺人如所生孺人自舉家政不惜勞瘁又念外家凋落中夜恒輾轉今

中欽幸娶婦有子女已贅壻卽孺人姪亦覓屋
 數椽俾成室家矣孺人性卞急而柔和能忍深
 知以順為正之道遇有所怫鬱不出諸口其待
 戚鄰有恩誼為人謀必盡忠雖纖悉事處置必
 計及久遠宜乎得壽者然體素孱且慮事過周
 密心力交耗病卒以不起人或以未永其年為
 孺人惜嗟乎夫婦人之行不踰榻非有經緯大
 業日所而詞盛也今孺人行事舅姑存具天水歿
 營葬祭拊前孤俱成弱女髮可縮亦已字人
 維孺人享年四十一有一而一生婦職克完其隱
 念所躄躄而惟恐不克為者皆次第舉行無所
 遺憾矣就令再延十年或二十年不過閉門舉
 案舍飴弄孫為自樂計耳然又烏知此十年二
 十年中維喬當何若耶且夫血肉之軀常人所
 爭聖哲賤焉故朝聞道夕可以死天下豈無庸
 庸之福綺紈金翠白首閨幃迄一旦溘逝求其
 一善之足述而無有不得已塗飾銘傳擬拾內
 則賸語以示人人卒漫視之而無所動者吾知
 孺人之必有以異于彼也孺人性穎慧頗知書
 謬以維喬能恃欲北面師事維喬以才非女子

所宜輒誠止之歿後檢其箴中得近體如千首
 附錄于後維喬無文名復不敢以伉儷故詞有
 溢美特敘其梗槩以備女史之采擇焉

戲詠橘燈

誰將枝上果幻作案前燈
 剩有霜顏好應憐俗燄蒸
 檢書甘共剖映室絳初凝
 影落銀缸裡幾疑海日昇

玉蘭

龍蔥一樹玉無瑕未透青枝先吐葩
 不共梅開爭雪月肯隨桃艷鬥繁華
 靈禽但覺初辭葉粉蝶何知已試花
 旭日凝香誰是侶只應瑤島見橫斜

野望

烟籠遠樹夕陽低雲岫參差一望迷愁殺往來江上客
數聲長笛子規啼

鳩

幾回啼苦動人思冒雨迎風只自知薄霧旋開重見日
始教安穩上林枝

徐蕙田

湖南祁陽縣人

瀟湘晚眺

怪石聳城頭瀟湘起畫樓池河連泮碧石塔接雲浮城
市人家密江村菓木稠昨宵山雨足車灌歇耕牛

鄒筠碧

詩見谷音傳響

次韻題明妃圖

浪說宮闈寵愛稠蕭蕭獨赴紫臺秋妾家骨肉居三峽
尙認承恩漢殿頭

方壽

字蓬客號芝仙山東歷城縣人善丹青適長青
縣庠生潘可宗著有芝仙小草

方昂芝仙小草序姊氏芝仙幼從從父授論語
孝經粗通大意稍長博涉女誠諸書偶拈筆爲
韻語輒工然不自收拾皆隨手散去年及笄適
長清諸生潘君時舅姑春秋已高薄田百畝僅

給饘粥姊氏卒勤井臼每暑月傭農佃治田數
 十人飲饌咄嗟立辦汗淋漓衣袖間不自言勞
 也性篤於子女之愛次甥已成童女甥將嫁相
 繼死殂合酸茹痛不能自禁一發之於詩悲涼
 古直使人讀之如聽三峽猿啼柔腸欲斷時或
 縱筆所之溢為花草亦超逸具有天趣庚戌春
 寓其近作命昂為序且曰骨肉天涯讀此當如
 覲面矣昂憶自丁酉葬母後脂車北上與姊別
 儂指已十四年宦海滄浮一官蓬轉視人間世
 味如嚼蠟行年五十又一姊長於昂五歲昂所
 守饒治距鄉土遠在五千里外追念古人奉姊
 湯藥火燎眉鬚故事輒怛怛然心動大抵人過
 中年哀樂易傷而天倫至性久迺逾摯序姊詩
 不覺棖觸百端益增我以身世茫茫之感也

寄三弟婦楊恭人都中

米貴長安居大難相思愁見月團團貧無錐地眉常展
 旦戒仙郎漏正闌井臼操持欽德曜文章聲價屬都官

誰知粉署含香侶依舊鹽齏十載寒

弟官刑曹十餘年不遷

思親

秋窓點滴雨連綿也似思親淚未乾一夜蕉梧聲斷續
 教人輾轉不成眠

海棠花

含煙泣露小樓東脉脉無言媚晚風好似沉香亭畔醉
 闌干十二倚嬌紅

水曹清暇錄閨秀方壽字蓬客號芝仙比部切堂
 方君昂之女兄也能詩畫善丹青頃於比部案頭
 見其芝仙小草中有詠海棠一絕云云甚有風致

雪霽

快雪初晴月乍明碧天無際透疎櫺香生薜蔔心如水
閒展黃庭一卷經

沈持玉

字佩之號皎如所著有停雲閣詩稿

閨秀尤澹仙停雲閣詩稿序畧論詩者輒曰效法三唐夫豈然哉為此說者蓋不知詩之本也凡人蘊其所有而欲因言以宣之大抵抗懷今古俯察品類而形諸歌咏弗能自已蓋根於心發於辭三百之經具在果何所效法耶沈君持玉吳中女士也性靜淑好讀書與余為媼姪姊妹常得相聚論詩頗有同見或分題吟咏或尚論古昔卽有聞而笑之者余二人卒莫之顧也君事親至孝定省視膳婉容愉色以承親之志且素無兄弟能令親顧之而忘膝下之無兒者是非嬰兒子後之一人乎余讀其詩重其人蓋自有足以不朽者在豈特區區韻語而已雖然

得清溪夫人詩却寄

卽其舒寫情性體物比類彼規規焉效法前人者亦孰能至於此

綠陰曉如水孤館延微涼風靜裊細篆簾明曖初陽清
景已如此一編適惠將洗心冰雪寒襲人蘭蕙芳開卷
吟未已恍惚侍君旁所嗟在離居朝夕永相望

春曉曲

春陰黯黯催鷓鴣綠窗人起曉開匣病慵無力識新粧
凭闌風惹羅衣怯旭旭朝陽銜未吐一碧烟光籠芳樹
曉寒庭院落花忙却倩游絲爲綰住

落花和江碧岑姊韻

笛裏誰家怨吹來總斷腸六朝春夢短終古別愁長天
地老烟景江山空夕陽尋芳歸路晚贏得馬蹄香

月夜有懷吟榭諸姊

湘簾高卷碧闌干翦翦春風拂袂寒不識吳城今夜月
幾人同倚畫樓看

李心蕙

字雲芝江蘇上海縣人梧州太守李宗元次女
適南康太守錢汝豐

題二餘詩草

姊妹聯吟久存亡廿載身素箋祇自劈彤管與誰論蠹

卷空前跡清才續後塵蘭閨談永夕回首覺傷神

揚文集

卷三

三

